

李文忠公全書

海軍函稿



李文忠公  
海軍函稿

四卷

汝倫署

吳璽



光緒乙巳	四月金陵	付梓戊申	五月印行
------	------	------	------

李文忠公海軍函稿

卷之一目錄

商定疏稿親驗鐵艦 光緒十一年十月初八日

報驗濟遠兼陳軍艦避凍 光緒十一年十月二十五日

覆陳海軍規模籌辦船塢 光緒十一年十一月二十九日

北洋海防月支各款摺 附

北洋水師用款大數摺 附

北洋工程及軍火裁價摺 附

覆議東三省兵械 光緒十一年十一月二十九日

籌議海軍經費 光緒十一年十二月十七日

請撥海軍的餉 光緒十一年十二月十七日

籌議餉源兼論陽工 光緒十二年正月初八日

海軍函稿一目錄

豫籌領餉酌定各省解數 光緒十二年正月十八日

論旅順布置 光緒十二年正月十八日

申明局存實數請撥陽工專款 光緒十二年二月初六日

議劃扣專款並閱操日期 光緒十二年三月二十四日

內提要款請指撥解還 光緒十二年五月二十四日

籌款竭蹶請展捐限 光緒十二年五月二十九日

籌議膠澳 光緒十二年六月十五日

劉含芳查勘膠州灣條陳 附

琅威理布置膠澳說帖 附

議覆朱一新條陳 光緒十二年六月十五日

議購大魚雷 光緒十二年六月十五日

請醇邸主持海軍 光緒十二年六月十五日



醇邸來函 附

諭 懿旨訓政兼述外情

光緒十二年六月二十七日

海軍函稿一目錄

一

諭旨  
醇邸來函  
諭旨  
懿旨  
訓政  
兼述  
外情  
光緒十二年六月二十七日

李文忠公海軍函稿卷一

全集四之一

桐城吳汝綸編錄

商定疏稿親驗鐵艦

光緒十一年十月初八日

都門小憩屢接光儀教誨飲食感不去心別後時深依戀祇以案牘塵勞尙稽修謝頃奉賜楫敬譖勳福兼崇謨猷康濟至慰頌忱承示海軍疏稿仰見碩畫周詳變通盡利欽佩莫名惟長江水師向係分駐江蘇安徽湖北湖南四省與閩浙不相干涉謹就原稿更正數字奉繳伏祈鑒定繕奏是幸來示以天氣嚴寒勿親往旅順具徵摯愛逾恆尤深紉感惟鐵艦事關重大必須親自驗試方可放心擬俟  
萬壽節後再行出洋駛驗朔風甫勁孱軀尙能耐寒知關愛注並以附陳

海軍副稿一

報驗濟遠兼陳軍艦避凍

光緒十一年十月二十五日

濟遠快船經鴻章出洋駛驗知舒文王詠寬等所指各弊未盡確實華員雖有指摘各國弁兵尙未聞有訾議仍應由殿下隨時體察情形酌辦謹將原稿奉繳卽請繕正呈遞是幸北洋凍封以後鐵快等艦機器精巧實虞凍損已飭統領丁汝昌督帶南下至廈門澎湖洋面一帶溫和之處認真操練俟春融再行北嚮恭候親臨驗閱昨已於驗收摺內聲明矣

覆陳海軍規模籌辦船塢

光緒十一年十一月二十九日

承示北洋先練水師一枝將領弁兵其須若干名船須幾艘薪水及煤油等費統計每月其需經費若干酌定寄覆以便先事預籌款項等因查北洋現有船隻惟定遠鎮遠鐵甲二艘最稱精美價值亦鉅濟遠雖有穹甲及礮臺甲船身較小尙不得爲鐵甲船祇

可作鋼快船之用此外則有昔在英廠訂造之超勇揚威兩快船船身更小而礮巨機巧可備巡防至康濟威遠等木船專作練船海鏡僅可裝運兵丁以上三隻皆閩廠所造舊式也鎮北等蚊船僅可守口不便在大洋備戰今欲先練成一枝目前祇有定遠鎮遠濟遠超勇揚威五艘可備洋面戰守猶嫌力單鴻章前在京時面陳俟英德續購四船到後應歸併操練合成九艘氣勢較厚將來餉力稍充須添購淺水鋼快船三艘魚雷小艇五六隻合之原有鐵艦雷艇庶可自成一軍矣北洋水師一切用款向皆在各省關歲撥經費內核實開支斷不敢稍有浪費從前戶部撥定北洋經費號稱二百萬兩近年停解者多歲僅收五六十萬自去歲法事起報撥更稀而待支甚急不得已奏留海防捐項濟用以救然眉殊非常策鴻章正深焦慮頃准部咨將南北洋海防經費奏准

海軍函稿一

二

撥歸海軍衙門作為常年餉需以後北洋用項自應請由鈞署豫期照數撥交免致臨時掣肘貽誤感禱曷任惟欽奉

諭旨先從北洋精練水師一枝以為之倡責令鴻章專司其事又奉鈞諭一切規模必須預籌盡善敢不詳慎勉圖茲督飭局員查照現在支款開具清單三扣恭呈鑒核所有將領弁兵員役薪糧數目練船學堂船塢製造采購煤費修費及應辦工程各項條分縷晰鉅細畢呈內如船塢一項為水師根本必不可省之工凡各國有鐵艦快船者皆必先立水師口岸先修大石塢鴻章前於籌議海防事宜摺內詳細奏明而赫德續旁觀論所擬水師節略竟未提及其他不詳不確之處尙多蓋水師為西國專門之學非躬親其事者不能盡悉彼但精稅務而於治兵實門外漢也前在英廠購到蚊船數隻均係鋼片鑲做歲須兩修蚊船喫水僅八尺故

先在大沽建鴨修理出入較便此鴨木底無石爲費頗省嗣購到超勇揚威喫水十五尺不能進大沽每年赴上海洋商船鴨修理已形不便今又添定遠鎮遠濟遠喫水至二十尺十六尺不但沽口不得入卽滬口閩口皆不得入中國無可修之鴨非借英之香港大石鴨日本之長崎大石鴨不能修理鐵船易積海蠹或偶損壞無鴨可修便成廢物此爲至要至急之舉鴻章今年始聘到德國監工名善威者相度旅順口內地基堪以創建船池石鴨其口門有導海機器挖沙船隨時濬深鐵艦可入內停泊修洗估計廠庫房各工照西國水師口岸辦法約需銀百三十萬兩限三年竣工此後南北洋無論再添鐵快艦若干皆可就旅鴨修理不致爲英日所竊笑有警時亦不受制於人其餘別項建置爲費尙輕務祈殿下主持而助成之則水師根基固而規模自遠非見小欲

速者所及知也

○海軍圖稿一

三

非洋海防月支各款摺

附

一定遠鐵艦共計官弁水手人等三百三十一員名月支薪糧公費銀五千七百一十一兩

一鎮遠鐵艦共計官弁水手人等三百三十一員名月支薪糧公費銀五千七百一十一兩

一濟遠鐵艦共計官弁水手人等一百九十四員名月支薪糧公費銀三千八百八十九兩

一定鎮濟三艦洋員四十三名月支薪餉銀六千零零八兩

一超勇船共計官兵人等一百四十員名月支薪公銀二千八百

二十二兩

一揚威船共計官兵人等一百三十九員名月支薪公銀二千六

百七十二兩

一康濟船共計官兵人等一百三十七員名月支薪公銀二千零五十九兩

一威遠船共計官兵人等一百十七員名月支薪餉銀一千九百零九兩

一練船水勇二百名月支薪餉銀九百五十兩

一鎮北蚊船共計官兵人等五十五員名月支薪餉銀九百七十  
八兩

一鎮南蚊船共計官兵人等五十四員名月支薪餉銀九百六十  
兩

一鎮東蚊船共計官兵人等五十五員名月支薪餉銀九百七十  
八兩

海軍圖稿一

四

一鎮西蚊船共計官兵人等五十四員名月支薪餉銀九百六十  
兩

一鎮中蚊船共計官兵人等五十五員名月支薪餉銀九百七十  
八兩

一鎮邊蚊船共計官兵人等五十四員名月支薪餉銀九百六十  
兩

一水師屯船共計官兵人等十四員名月支薪餉銀二百六十八  
兩

一海鏡輪船共計官兵人等五十九員名月支薪餉銀一千二百  
四十六兩

一飛霆小輪船共計管駕水手人等十八員名月支薪餉銀二百  
零九兩

一快馬小輪船共計管駕水手人等二十五員名月支薪餉銀三百八十二兩

一桿雷小輪船共計管駕水手人等七員名月支薪餉銀七十六兩

一巡雷淺水小輪船共計管舵人等四名月支薪餉銀四十四兩

一守雷小輪船共計管駕水手人等十六員名月支薪餉銀二百零九兩

一守雷小輪船共計管駕水手人等十六員名月支薪餉銀二百零九兩

一左隊一號魚雷艇共計官兵人等三十二員名月支薪餉銀四百九十一兩

一左隊二號魚雷艇共計官兵人等三十二員名月支薪餉銀四百九十一兩

一右隊一號魚雷艇共計官兵人等三十二員名月支薪餉銀四百九十一兩

一右隊二號魚雷艇共計官兵人等三十二員名月支薪餉銀四百九十一兩

一右隊三號魚雷艇共計官兵人等十五員名月支薪餉銀二百十九兩九錢

一旅順魚雷營共計官兵人等九十一員名月支薪餉銀九百八十九兩九錢

一大沽水雷營共計官兵人等二百二十九員名月支薪餉銀一千三百七十七兩五錢四分四釐

一北塘水雷營共計官兵人等一百二十八員名月支薪餉銀七百八十二兩

百十六兩七錢九分二釐

一山海關水雷營共計官兵人等一百零八員名月支薪餉公費銀六百十九兩一錢一分四釐

一旅順水雷營共計官兵人等一百三十三員名月支薪餉柴草銀七百三十三兩九錢四分六釐

一水師統領隨帶文武員弁學生人等五十二員名月支薪餉銀一千三百六十七兩一錢

一旅順工程局遣用利順小輪船管駕人等二十員名月支薪餉銀三百七十一兩九錢

一導海挖泥機器船管帶華洋匠役人等並挖海接泥船八號管帶匠工水手人等共一百六十四員名月支薪餉銀一千七百八十五兩四錢

海軍商稿一

六

一威遠練船學生並差役人等共三十六員名月支薪餉銀四百九十八兩

一大沽旅順威海軍械藥彈等庫並煤廠機器廠魚雷廠委員司事夫役工匠藝徒弁勇人等共九十九員名月支薪糧銀八百十五兩二錢

一旅順工程局委員司事差弁親兵長夫雜役人等共一百七十五員名月支薪餉銀一千一百五十八兩九錢

一辦理旅順船塢臺工程並各學堂教習洋員九員月支薪飯馬乾等銀二千一百四十九兩

一雇用教習德國兵官十九員繙譯三員月支薪飯等銀四千七百七兩五錢八分四釐三毫

一直隸提督差遣官弁並護衛馬小隊親兵人等一百五員名月

支薪餉等銀六百六十二兩六錢五分六釐二毫

一大沽旅順山海關等處防營礮臺安設大小礮位共二百三十七尊月支礮費銀六百六十兩五錢六分六釐六毫

一水師營務處並北洋差遣文武員弁繙譯教習繪圖學生工匠暨樂軍共四十九員名月支薪水公費等銀八百六十八兩

一製造局製造格林礮子並云者士得鎗子經費月支銀四千兩

一旅順魚雷廠每季領經費一千兩每月攤算應月支銀三百三十三兩三錢三分

一定鎮濟三艦並快練蚊礮各船及屯船共十四隻歲支醫藥費銀二千二百五十兩每月攤算應月支銀一百八十七兩五錢

一電報官局並各分局共月支經費銀一千四百餘兩

一大沽水師船塢月支經費銀四千二百餘兩隨時購用外洋料件在外

一水師學堂月支經費銀二千餘兩

一武備學堂月支經費銀二千餘兩

查以上四款經費係按照現支之數開列至隨時酌量購添器料多寡難定理合登明

以上每月共應支銀七萬七千七百九十餘兩

每年共應支銀九十三萬三千五百餘兩

再此外尚有水師應需煤斤歲時修理及添購物件各費並旗幟號衣等項每年約需銀三十餘萬兩皆係必不可少至添購軍火器械及添築各處臺壘廠各項工程暨轉運賞卹一切雜支用款難以按年豫計數目理合登明

北洋水師用款大數摺附

水師煤斤項下

光緒九年分支銀六萬二千餘兩

光緒十年分支銀三萬二千餘兩

光緒十一年分支銀八萬五千餘兩

查前項購用煤斤以船隻之停駛爲衡每年用數並無一定上年如有存煤次年即可少購故近三年煤價數目多寡不一現添三艦用煤更多此後費應加增理合登明

水師旗幟號衣等件項下

光緒九年分支銀七千餘兩

光緒十年分支銀九千餘兩

光緒十一年分支銀二萬餘兩

查前項用款並無一定本年因添購鐵甲等船來津一切均須製辦故用數較歷年爲多理合登明

海軍雨稿一

八

水師修理並添製船艇及添配物件項下

光緒九年分支銀九萬五千餘兩

光緒十年分支銀十八萬五千餘兩

光緒十一年分支銀五萬六千餘兩

查前項用款並無一定上年因添製飛霆飛鳧等小輪船及各雷營舢板等項是以用款較多本年因大沽船塢將月支辛工經費銀四千餘兩按月另行赴局請領修製一切僅計料價現係按照本年十月以前支數開報尙未截至年底是以支數較少惟現添三艦均係鐵船終年巡海螭苔侵蝕必須每年一修又喫水過深不能進大沽閘滬各塢必須暫借洋塢修理所費更巨理合登明

北洋工程及軍火找價摺

附

工程項下

一旅順修築船澳石壩泊岸等工原估銀三十八萬四千餘兩已領過銀三十三萬一千餘兩

一旅順修建船塢船廠及大庫房等工並購買機器物件經袁道會同洋員估計約需銀一百三十萬兩分三年具領現甫領過銀五萬一千餘兩

一旅順魚雷營修造艇臺雷鴨碼頭艇庫艇罩約估銀二萬三千兩

一大沽船塢製造拖泥輪船二隻每隻估價三萬一千五百兩又接泥鐵駁船四隻每隻估價八千五百兩共估需銀九萬七千兩現甫領購料銀二萬兩

一天津建造武備學堂共房屋二百六十間估需銀四萬七百餘兩已領過銀一萬七千餘兩

海軍函稿一

九

採購項下

一軍械所由新載生洋行代購旅順礮臺三十口徑二十四生脫礮二尊又三十五口徑二十四生脫礮二尊又二十五口徑二十生脫礮二尊又三十五口徑十五生脫礮四尊二十五口徑十二生脫礮八尊除已付價銀外尚應找付銀約十萬餘兩

以上各項除已領外計尚應請領銀一百五十三萬餘兩

覆議東三省兵械 光緒十一年十一月二十九日

東三省練兵精械亟應預為籌備車礮一項已遵示檄飭滬局於粵督奏解之百八洋礮內分撥六十尊配齊炸彈車架於明春附商輪解營口交收月文咨呈冰案至所需常操備戰之前後膛洋鎗查前膛鎗各國不用久經停造所購皆唾棄之餘聞東省各軍

所執持者前膛洋鎗居多後膛較少似宜訂購後膛精鎗爲要就  
每省練兵五千計之需添後膛鎗萬餘枝每鎗配子五百用完時  
可飭吉林機器局仿製濟用鎗彈兩項購價約需二三十萬金實  
爲巨款穆帥既倡捐銀兩各關監督受

國厚恩誠如鈞諭應量力共襄此舉鴻章遵已專函切致南北洋  
各關屬其竭誠報效俟覆信有無成數卽行轉呈督辦但恐未必  
能恰符前數耳聞粵東購鎗存餘頗多昨電詢張制軍能否借撥  
頃據復電毛瑟鎗萬餘彈均五百惟價尙無著如借用應如何撥  
款付價云云合併附陳聽候殿下與春巖將軍商辦

籌議海軍經費

光緒十一年十二月十七日

北洋海軍餉事蒙籌畫周至垂問再三感佩無量伏查北洋目下  
常年薪餉等項運定鎮濟三艦在內歲需一百二三十萬兩新建

海軍面稿一

十

旅順船塢等工及我發采購製造等項約需一百四十餘萬兩前  
已詳細分具清摺寄呈鈞鑒旅順船塢估需三年竣工其經費須  
於兩年內籌足分批給領通計北洋光緒二十三兩年每年需  
餉近二百萬新購英德四艘之餉尙未計及而鳴工成後歲費亦  
可遞減前准戶部奏明將南北洋經費撥歸海軍衙門南北洋應  
需各款隨時咨請動用鴻章方幸餉需有著得以專力操防今鈞  
諭欲求節省之法將不能海戰之船酌量裁撤停駛抽出款項以  
補兵輪餉需之不足鴻章悉心斟酌惟北洋原有蚊船六號可暫  
提四號存鳴除得力弁兵仍須酌留調用外每年可省薪餉煤斤  
修理等費約四五萬金此外如康濟威遠乃練習學生水手之用  
終年在海外巡防海鏡等船乃轉運餉械及分守朝鮮各口之用  
均萬不可少其餘魚雷艇之類亦爲海軍備戰而設須日日操練

精益求精不能裁撤西國水師定章戰艦之外必另有運餉械練水手通文報之船誠以戰艦專爲衝鋒破敵不可無他船以供其用卽學堂及軍械煤藥等廠庫皆戰艦之根本所係事實相連理無偏廢現將北洋大小各船通盤細算實屬無可裁撤來函謂北洋水師自有常款可支自是指北洋向來所收海防經費而言第此款已奉部文撥歸海軍衙門則北洋別無常款可指現在樽節核算明年北洋經費如連三艦在內約須一百二十萬兩新建船塢等費須六七十萬兩除支應局現尚存銀四十餘萬兩外約計海防捐輸收至明年二月止每月尙可收十餘萬兩計明年實應向海軍衙門請領一百二十萬兩皆係確需之數難再撙節切懇籌畫早定源源接濟或派員先期赴海軍衙門請領或催各省逕解北洋由海軍衙門作爲收放均聽鈞裁若僅將定鎮濟三

海軍商稿一

十一

艦之餉剔歸海軍衙門領發照現配人數核計每月應支薪糧公費一萬四千九百餘兩每年需銀十七萬八千九百餘兩煤斤修費及添購物件並旗幟號衣等項每年約十餘萬兩統計歲需三十萬兩內外自應在明歲北洋應領一百二十萬款內照數劃除其餘應需緊要各項九十餘萬別無常款可指仍不得不求鈞署照數撥發否則名爲北洋精練水師一支僅三艦有餉可指而此外水師根本輔佐各項均無款籌辦事苟簡雖巧婦不能爲無米之炊鴻章束手無策實不敢當此責任也第戶部初定南北洋經費號稱四百萬後因歷年解不及半不得已將江浙蘇鄂各省釐金奏改八折仍不能照解閩粵釐金則久已奏歸本省辦防近三年來北洋歲收不過六十餘萬兩南洋所收更少部中有案可稽似農部指定南北洋經費四百萬兩撥歸海軍亦係虛名斷

斷不能如數應請殿下主持全局與農部熟商添籌的款或專為海軍將海防新捐酌量展限庶海軍事宜俾得從容展布冀可建威銷萌天下幸甚閩造鋼甲當遵函諭知照船政於造成時送至北洋查驗粵借洋款用剩之五十七萬現已電詢香濤制軍俟有復電再行電聞周道捐款據稱不敢仰邀獎敘惟既奉垂詢可否照海防新捐例奏給該道子弟獎敘應候鑒奪

請撥海軍的餉

光緒十一年十二月十七日

西國治水師用費較多實非陸軍可比北洋既經開辦非不力求樽節無如事體繁鉅造端宏遠不敢過從簡略貽誚外人正函所陳歲需各項以西例視之已為至省至少從前尙賴有海防經費協款東挪西湊竭蹶經營今海防經費撥歸鈞署別無常款可指來示僅准給三艦薪餉此聞文武將弁一聞此信驚惶無措不啻

海軍商稿一

士

嬰兒之失哺必致諸事廢弛不復能軍三艦現赴廈門操巡已豫支四箇月薪餉煤費超勇等四船分防朝鮮要口當該國危疑之際豈可因餉缺罷防諸如此類皆有不能中止之勢明年確需數目務求概允如數籌給鴻章方敢勉任其事急切愚忱伏祈鑒亮昨南洋來電謂局員慮經費全數改撥明正諸多掣肘自係同一為難雖各省關解不如數究竟多一指望耳東省練兵自應由部籌款似未可再分海軍涓滴之餘以致兩誤頃山海關道廣蔭東海關道方汝翼各報捐東省鎗價一萬兩暫存津局應否由匯號兌解乞電示遵辦廣道似可請加二品銜方道無可優獎亦宜照新捐例移獎子弟伏候酌奪

籌議餉源兼論隘工

光緒十二年正月初八日

來示北洋明年確需數目除置存洋款照數撥往外其外解常例

海防經費亦擬隨到隨撥按月開銷仰見權衡緩急力顧要需曷任欽感查海防經費向章分解南北洋現統統解鈞署俟奉文自何月改解卽飭備具文領委員赴京請撥或按月估計確需之數先期呈明由鈞署酌飭各省關逕解津局解到時仍咨由海軍衙門核作收放以免往返領解之煩或致展轉稽誤至定遠等三艦新添經費蒙允由海著現存洋款勻撥應否卽自本年正月分起照現配入數月需薪糧公費銀一萬四千九百餘兩按月飭撥其煤斤修費及添購物件隨時約估覈數請領據實報銷敬候復示遵辦奉讀議覆穆將軍條陳奏稿擬由洋款內暫行挪放東省練餉具仰維持大局之苦心此後來源漸涸大疏內預籌各項惟請展海防新捐較爲可靠或稍資接濟耳承示裴船政及趙守爾異鈔摺屬將趙疏第四條酌核寄呈查旅順船塢石陽工程赤地新

海軍雨稿一

十五

立工繁費鉅前已陳明除已發過澳壩泊岸等工銀三十餘萬兩外現估應做鳴廠庫房采辦機器等費約尙需銀一百三十萬限三年竣工其經費須於兩年內籌足分批給領北洋先練水師一枝斷不可無此大石鳴修理實爲目前至要至急之圖謹於趙疏末條酌核議覆附呈鑒定裴船政請於紅山增造大塢所稱備修南洋快船查南洋購製各快船喫水不過十六尺上下上海商船暫可借修將來旅鳴告成亦能修理至北洋鐵艦及臺灣新訂快船到華仍應歸併北洋操練皆應就旅鳴籌修是閩隲尙非急不可緩目下經費竭蹶誠如鈞諭實難爲繼應俟籌有定款再議興造原摺稱添機拓廠卽大鐵艦之鐵甲及輪機大件均可自製等語查西國鋼鐵皆用機器開礦鍊成工本浩大故船用之鋼甲鐵甲必有專家成造爭奇競勝官廠民隲均就近采購非船塢所能

兼造者今中國鐵礦尙未開辦遑論自製鐵甲似係隔膜之談至德國燐銅魚雷爲不傳之祕學生陳才鐳祇能修配未能仿造沈雷伏雷則機器無多亦無需多費原摺請飭海疆各省另籌協款似未深悉時艱可否於議覆摺內仍令就原有撥款樽節妥辦伏候卓裁海軍公署必須籌撥專款以資辦公鈞意請由部月支銀五百兩洵屬節省部庫亦不爲難謹將摺稿奉繳至山東淄川縣青州府銀鉛礦夙所稔聞淄川礦產尤富惟該縣有在朝巨紳倡禁開采遂無敢過問現有候補道李宗岱在山東平度州試開金礦延有英國礦師學業甚精已將寄來礦砂轉交分化如所得銀鉛較多再遴員集費籌辦昨據江海關道邵友濂報捐東省鎗價銀二萬兩鎮江關道陳欽銘報捐銀五千兩合之廣方二道捐項共四萬五千兩燈節前卽飭商號匯署邵陳兩道無可加獎擬請

海軍商稿一

十四

奏准照海防新例給獎爲幸

光緒十二年正月十八日

豫籌領餉酌定各省解數

蒙諭定鎮濟三艦經費一年應支總數若干屬核定平數一面咨明一面派員承領查三艦照現配人數月應支薪糧公費銀一萬四千九百一十一兩歲共銀十七萬八千九百三十二兩又三艦歲支醫藥費銀八百兩二共應領庫平銀十七萬九千七百三十二兩擬俟開篆後備贖派員赴鈞署請領查北洋支發各款向按庫平發給惟薪糧一項自上年六月起遵照部議改發湘平此次三艦薪糧亦按湘平發給所有應行扣建及照章每庫平百兩應扣湘平三兩六錢三分其餘銀兩應俟核發時分別核扣年終彙冊開報作正列收至煤斤修費及添購物件並旗幟號衣等項每年約十餘萬兩自應隨時估數請領惟三艦昨已在滬廈添配物

件轉瞬開凍回津所需煤斤亦應早爲購備以便領用夏秋間或須上陽油修擬一併先行請領庫平銀五萬兩存備隨時撥用仍將用款數目咨報查核此外尙有三艦教習洋員月支薪水等銀六千二百二十六兩因該洋員尙須查看情形酌量留遣久暫無定所支薪水等項並非常年額定支款是以前送冊內係另款列報應仍暫歸非洋經費內支領俟該洋員合同期滿分別去留每艦酌定員數再行咨明歸入三艦經費內彙領至其餘各項例支必不可少者俟各省關報解到後再遵示隨時咨領以免缺乏閩省修陽拓廠仰邀洞鑿可以從緩旅順船澳石鴨工程並蒙大力維持允爲籌款俾可壹意經營克竟全功曷勝感佩各省關應解南非洋經費現由鈞署咨催籌解當有起色遵再函述鈞意切實行催惟查歷年報解約數綜計至多不過二百萬內外各關四成

海軍函稿一

十五

洋稅除抽撥他項要需外尙可按結劃解僅粵海一關積欠較多各省釐金除粵閩截留自用絲毫無解外蘇浙西鄂不但不及八成近且解數寥寥無幾各該省爲京協各餉所擠自亦有爲難之處今重以鈞屬就鴻章愚見揣度大約歲解二百萬內外仍可辦到似鈞署第就二百萬之數豫籌撥領以抵南北洋現需之數略可相當惟旅順修陽恐尙不足仍賴另籌挹注耳江漢關道武震昨來稟報效鎗價一萬兩浙海關道薛福成報效銀五千兩均俟解到卽行轉匯武道並九江關李道擬均請給獎二品銜薛道擬照海防新例給獎伏乞裁酌

論旅順布置

光緒十二年正月十八日

再承示摘錄申報內中國勿受欺於人一節所論鐵甲兩艘先泊旅順復因水淺改泊威海及旅順東西兩面受敵等語似未深悉

底蘊鐵艦到沽驗收後經鴻章坐往旅順試駛因冬令嚴寒北洋操巡不便卽飭丁鎮汝昌帶往廈門一帶操練威海乃其必經之路非因旅順水淺而改泊威海也且鎮遠鐵艦曾進泊旅順口內拆卸魚雷艇鴻章目所親睹未有水淺膠舟之虞惟旅順濬澳之工前因法事喫緊專顧防務以致澳工尙未告竣現在西澳已濬之處可以泊多船尙嫌進出路窄轉掉不能寬綽東澳本是淺灘現正集夫開濬船池約週三里深二丈五尺將來可停鐵艦快船多艘因連澳之船鳴甫經興工不便開壩放水故鐵艦尙不能駛入澳內此外人謠稱水淺所由來也查西國水師章程兵船雖多大半終年藏泊船池之內隨時更調出洋以節餉力北洋兵船本少亟宜更番操巡以練膽技而壯聲威不敢停歇致惰士氣此又彼此情勢不同而外人未識其所以行而不泊之故也至旅順口

海軍圖稿

夫

係奉天南界大島南向有口如門久經淤淺近年用導海機器船挖於濬深止此一口可進輪舟其東南西三面環海羣山矗立南距登州祇二百里西距大沽五百餘里實爲渤海之門戶北洋之首衝敵若據之直奉兩省皆不能安枕鴻章綜覽北洋海岸水師扼要之所惟旅順口威海衛兩處進可以戰退可以守而威海衛工鉅費煩故先經營旅順以爲戰艦收宿重地兼以屏蔽奉省控制大沽年來騰挪餉力在旅順口擇要築大礮臺七座並調四川提督宋慶毅軍八營及提督黃仕林吳兆有王永勝等八營駐守非徒保護船塢亦因要害所在須預爲不可拔之計也申報所言東西兩面皆有可進之路後海道橫互三十餘里不能處處嚴防前者英兵侵偪卽由東邊而入等語查旅順後面陸路直達金州別無海道橫互咸豐十年敵船來攻大沽以大連灣爲退泊之

所大連灣在旅順之東金州之南所謂英兵曾由東邊而入即指此事然其時英船並未由大連灣進入旅順也上年鴻章曾慮及此故調廢軍三營駐守金州現仍飭毅軍撥營分防旅順口三面臨海自然三面當敵南口礮臺林立布置已嚴東西兩面山路較長然岸上有險可扼岸下亦有淺灘多處私度敵船少來則不敢近岸敵船若多環伺而攻非掉小舟不能登岸我有得力遊擊之師伏岸狙擊彼亦未易得手旅順能固守不失彼必不敢宿師船於大沽口外與我久持即大連灣亦不敢隨意停泊蓋咽喉要地勢在必爭所謂我得之爲利敵得之爲害而不敢以其難守遂置而不圖也至鐵艦收泊之區必須有大石隄預備修理西報所譏有烏無籠卽是有船無隄之說故修隄爲至急至要之事察度北洋形勢就現在財力布置自以在旅順建隄爲宜西國水師泊船

海軍圖稿一

七

建隄之地其要有六水深不凍往來無閒一也山列屏幃以避颶風二也路連腹地便運糧糧三也土無厚淤可濬隄澳四也口接大洋以勤操作五也地出海中控制要害六也北洋海濱欲寬如此地勢甚不易得膠州澳形勢甚闊但僻在山東之南嫌其太遠大連灣口門過寬難於布置惟威海衛旅順口兩處較宜與以上六層相合而爲保守畿疆計尤宜先從旅順下手船隄旣爲水師根本自不得不設礮臺衛護臺上所置巨礮以數十計總期遠近合度歷年以來鴻章幾經勘度幾經諮訪而後敢如此措注洋人參謀固常有之然亦各執是非而不能惟彼之言是聽也惟申報中所論洋人時獻築臺購礮之策以冀售其術而用其本國軍械洋官與洋商聯爲一氣中國所購鎗礮混雜不一皆爲切中時病之論北洋各營後門鎗皆用德之毛瑟美之哈乞開司因毛瑟價

稍賤尙未全換各臺大小礮位皆用德之克虜伯前膛鎗礮偶資  
操演臨敵不用各省未必能如此一律也現蒙將海防經費改歸  
海軍衙門收發以後餉需稍裕凡有應添船礮器械更當從容籌  
布申報謂西人妄肆譏評中國正可藉以警覺洵屬見理之言謹  
將來信錄件鈔示在事文武以期其相砥礪仰副盡塵

申明局存實數請撥陽工專款

光緒十二年二月初六日

三艦經費及醫藥等費銀兩已飭據支應局委員詳請給咨赴鈞  
署請領前函所請預撥三艦油煤修費等項五萬兩亦飭令一併  
請領以備急需海防新捐幸戶部奏定展限一年全撥海軍備用  
儻能踴躍如前合部庫並各省所收計之歲可得銀二三百萬加  
以各省關應解稅釐於海軍餉需並南北洋防費及東三省練兵  
等項似可周轉至戶部原奏內稱直隸初次至十四次捐輸銀一

海軍商稿一

十八

百三十餘萬係指收數而言此項捐款上年因法事戒嚴北洋籌  
備防務需款繁鉅各省釐稅報解寥寥奏准撥歸支應局以抵各  
省關短解之數業經隨時酌量動用是以戶部原奏聲明已撥歸  
支應局支用列爲開除卽鴻章前函所陳支應局存銀四十餘萬  
兩係統計局存各項銀數而言亦並非專指捐輸一項也現在各  
省關經費改解以後北洋應放各款一時尙未能赴鈞署請領仍  
須在前項存款內勻籌撥發旅順陽工旣難緩辦如零星請領之  
款爲數無多自當遵諭暫由前款內勻撥嗣後大宗用款力難兼  
顧若能將本年二月以後直隸所收展限捐銀由尊處撥作陽工  
專款卽無須另籌挹注是否可行尙祈裁奪示遵再蕪湖關梁道  
捐款八千兩業已遵奉電諭留存津局以備校閱海軍之用九江  
李道甯波薛道捐款均已解到江漢關武道捐款尙未解津一俟

收齊卽行彙解抑或在此次請領油煤修費等項五萬兩內就近  
劃扣二萬五千兩以歸簡便之處尙祈酌示

議劃扣專款並閱操日期

光緒十二年二月二十四日

前因旅順船塢等項工程緊要嚴催趕辦一切用費需款甚鉅必  
須預爲籌備庶可隨時撥發俾免停工以待是以有暫留捐款之  
請昨戶部來咨未能照准正恐展轉辦多費周折致有貽誤茲  
承垂念要工允爲變通辦理飭將鴨工需用若干核清確數卽於  
二月以後所收展捐數內劃扣下餘陸續埽數解京仰荷鼎力維  
持免致掣肘欽感曷勝伏查此項鴨工連船池四圍石泊岸廠庫  
機器鐵路等項皆係相連而及必不可少原估其需銀一百三十  
萬兩前已面報在案現飭中西員匠摺節復估刪減銀五萬兩仍  
需銀一百二十五萬兩除上年已由北洋海防經費內勻撥銀五

海軍面稿一

十九

萬一千餘兩今春開工需用甚迫又籌撥銀二萬七千餘兩外尙  
應陸續給發銀一百十七萬一千九百二十兩遵當在於二月以  
後直隸所收展捐銀內次第劃扣專款存儲隨時覈實撥放一俟  
扣收足數卽將以後續收捐銀遵諭埽數解京斷不敢挪作他用  
以期仰副盡懷一面將二月以後每月所收展捐銀數並按次撥  
放款目隨時呈報鈞署查核以備稽考再蒙鈔發勦辦粵匪節略  
十五條除蘇浙兩圖擬由敝處摹繪外其餘各條地里旣遙閱時  
頗久其在事出力人員鴻章亦不盡熟識憑空摹擬難以存真查  
曾文正胡文忠等戰績曾沅浦制軍昔曾其事知之更詳駱文忠  
四川戰績丁稚璜制軍就近尋訪較易精確已飛函曾丁二公請  
其將單內所開人員及當日戰狀地形每條繪圖兩分黏貼黃籤  
注說篇幅一大一小以備採用一裝成手卷一裱作冊頁俟其繪

就寄津卽當彙齊轉送鈞處酌核進呈至中法交仗各處戰圖亦已分致閩浙粵西各省分別照辦矣承示騶從行期謹已聆悉四月初十以前遵卽派員帶領座船舳板礮船前赴通州守候迎迓並派小火輪駛往拖帶初夏水涸通州至河西務淤淺尤甚大船難行座船旣小僅有一小輪可至通河均係弁兵駕駛可以日夜趨行十三日必可抵津昨由厚齋都護寄示殿下啟程日期及逐日辦事一單內開十五日赴旅順口十六日閱看礮臺及水操船塢等因查大沽至旅順水程六百餘里十五出沽口後若須上鐵艦驗看須耽擱半日計十六午前到旅恐未能卽日閱操若於次日周履各處礮臺及船塢校閱海軍演試魚雷艇事端甚繁似非一日所能了且天氣陰晴風濤變幻亦難預定似須略展日期方可從容周覽容竣殿下蒞津臨時再稟商一切水陸操圖及臨工

海軍函稿一

二十

全圖已遵飭預備屆時當逐一呈覽以便察核上陳

內提要款請指撥解還

光緒十二年五月二十四日

昨奉大咨以

奉宸苑承修

三海工程款不敷用奏准於發存匯豐銀行生息船款內暫提銀三十萬兩匯解鈞署轉交一面札行粵海關監督於前次派籌一百萬兩內撥還清款等因自應遵照辦理查發存匯豐銀行生息船款二百四十八萬兩除已疊次買鎊匯支咨報有案現僅實存銀一百零一萬餘兩茲再提回三十萬兩則祇存銀七十一萬餘兩英德兩廠所定四船均限十八箇月及二十一箇月告成爲期均不甚遠應找三分之二船價須分批付給一經英德使館來電卽須買鎊匯寄刻不可緩疊據曾許兩使咨面該四船求合

新式添購礮雷各項價目倍增就前存船款計之不敷之數約在八十萬兩以外正在往返咨詢擬另請尊處豫籌添撥儻此次借提三十萬粵海關一時未能清解誠恐失信外洋貽誤匪淺查海監督料理交卸無暇及此新監督增潤甫去據稱派籌之銀尙無把握船款緊要竊慮望梅未可止渴惟有籲請殿下隨時嚴催該監督先儘此項解還或另指他處有著之款撥付俾濟眉急感幸曷任至上年發存匯豐銀行時曾經該行議明如取回銀一萬兩以上須先一月通知現飭該行趕緊提繳六月中旬方能繳齊一俟分批提回當即隨到隨解決不稍延

籌款竭蹶請展捐限

光緒十七年五月二十九日

奉五月二十六日手示以

三海工程急需三十萬擬先由海署存款內如數借撥俟粵海關

海軍商稿一

三

續措三十萬解到扣還署款其匯豐所存船款即仍交該行代存專備船用並蒙將船款約欠八十萬預行奏明辦理等因仰見酌盈劑虛兼籌並顧欽感莫名惟八十萬兩以外之數係二十四日咨函內約略核計比即電詢英德使館二十五六日疊接許景澄電覆約尙需找價二十六萬二千鎊劉瑞芬電覆約需找價二十四萬五千鎊共合五十萬七千鎊目前鎊價愈昂每鎊合銀四兩一二錢不等統計現存匯豐僅一百零一萬餘兩計不敷銀一百餘萬兩之多尙不止八十萬兩昨又咨詢劉許二使詳開清單核定具復並於二十六日分咨鈞署及戶部在案如須敘措乞查照續咨約數爲定庶無舛誤從前議購四快船本屬仿照濟遠價目每船六十數萬兩不料曾許兩使刻意求新陸續加增每船竟需銀八十數萬兩但既經與洋廠定議斷無翻悔失信之理加以船

成後雇人駕送來津每船尚須數萬兩儻農部力難多籌似祇有再將海防新捐展限屆時由他處湊撥若干如有不足或商之匯豐借墊若干約歲息七釐仍由各省捐款撥還此後船款無措實不敢輕言添購若必須添魚雷快艇需款無多可逕與妥實洋商訂辦以免周折鴻章目擊時艱稔知殿下暨戶部籌畫艱窘但有可助理之處極應內外協力惟自愧處此瘠區用項既繁設法不易至鈞諭地丁洋藥兩項冀添巨款查現收地丁止有此數仍須年景豐收方可起色洋藥則各省皆有用項又須撥還洋債恐亦未能多提耳又賞號欠發之五千餘兩卽遵示飭局於捐款內撥還請毋塵念

籌議膠澳

光緒十二年六月十五日

賜函以許星使條奏海軍應辦事宜鈔摺交閱屬卽評量有無可

海軍函稿一

主

仿辦者詳覆核辦等因仰見集思廣益至意欽佩莫名鴻章細繹原摺所陳大沽口宜設鐵甲礮船鐵甲快船喫水尺寸不宜太淺鐵甲船式宜分別仿製海軍礮位宜用一律船廠機器局宜由漸擴充五條大都與現在辦法相符但目前人才餉力均絀尙有未能推廣之處至山東膠州灣宜爲海軍屯埠一節規畫遠大尤關緊要該處居山東之南海濱爲南北洋適中之地本年正月杪會飭管理魚雷營劉道含芳帶兵輪前往查勘測量繪圖呈覽並具說帖大致謂口門小於威海而不如旅順口之緊固水比威旅加深守土者宜設防免爲外人占踞若爲海軍屯埠如修船塢設礮臺所費不貲轉運煤糧軍需各物道遠則耗費尤重又地處偏僻距黑水洋船路尙三百餘里並不能扼斷來路似目前尙難籌辦然許星使摺稱西人豔稱膠州灣爲屯船第一善埠鴻章亦久聞

是說上年法越衅起法人屢次聲言將由膠州進圖北犯曾奉旨飭東撫籌防是其地洵稱扼要因飭水師統領丁汝昌同英總兵琅威理帶鐵艦快船赴該處再行詳細審度具覆前已函報在案頃據丁琅等具圖說呈覆各節均係琅威理之議所稱得海軍地利為南北洋水師總匯之區與許星使所擬及劉含芳勘度情形大略相同自來設防之法先近後遠旅順與大沽犄角對峙形勝所在必須先行下手俟旅順防務就緒如有餘力方可議辦距直千三百餘里之膠州但照琅威理等籌畫布置該處須設礮臺六座分築土壘數處其需大小後膛礮約四十尊大小雷艇千二隻魚雷一百具浮雷七十箇燈樓數座另設船塢機器廠軍械庫暫駐守臺陸軍六營既經創設水師口岸必預備有事時能戰能守以上各節皆必不可少之事若非如此布置亦不足為海軍

海軍函稿一

三

屯埠約估需費已不下數百萬兩在西洋各國創設水師屯埠關係至重原不惜此巨款而北洋目前兵力匱乏實形竭蹶一旅順小口澳陽軍庫并日而營至今尚未齊備斷難遠顧膠州許疏內請由南北洋會同經度南洋船餉更單未遑遠略東省河患正亟似尙無暇兼營惟地利在所必爭若不先置守誠恐海上有警被人占據雖北竄之路尙遠而肘腋之患頗長必不得已可否請旨飭東撫酌撥數營就琅威理所呈圖內南岸陳家島北岸坦島西岸黃島各處分紮營壘俟籌有的款再行購礮築臺逐漸經營將來南北洋水師添多鐵艦快船成軍後即可在該處會哨駐操隨時擇要布置餉需浩大專端繁鉅殊非剋期可以蒞功謹將劉含芳及丁汝昌琅威理先後呈覆圖摺各一分照鈔奉覽用備采擇

劉含芳查勘膠州灣條陳附

膠州澳居山東之南海自登州府文登縣之威海衛開輪由西向東六十里至成山繞山之後折而向西五百四十餘里至膠州澳口口東青島高四十七八丈有市有關地屬卽墨山脈來自勞山口西陳家島高三十六七丈島前有廟居民甚少西南大山起伏地接琅琊此外口羣山遠望之勢也青島陳家島爲外口門戶相去八里中閒水深十餘丈八九丈不等再向內口而行青島西角小梅陽平崗七里向西直伸斷續相連直接玉女小島崗皆低崗如隄而島如阜海外口內遙遙相見無可遮蔽故入口之船必須稍向西行方進內口而正西有黃島高十七八丈與玉女島相對爲內口水勢深淺不一與外口相等在內口中流四望則陳家島又居

海軍圖稿一

三五

南青島居東黃島居西青黃東西相距十二里故外口之水流向東南此內口之水深山勢也澳內地週百餘里東北皆水一望無際西北至膠州百里東至卽墨縣九十里西南多山閒有灣澳皆屬淤灘寬三五里十餘里不等向北水深能行大艦之處僅十二里以鎮邊礮船喫水九尺自黃島向內開行至十八里而止再遠則淤灘愈多而水更淺矣此西北面之水雖有十餘里能停泊大船而有事之時內外相望無可遮護向東一面淤灘相等僅止青島北面山能屏蔽之處有深水一條寬約二里直通卽墨之女沽鎮能行大艦自三五丈以至十丈者僅長十里沿邊淤灘暗礁一二三里不等再東又淺去女沽鎮尙有十五里可望而不可及以全澳論之地雖寬廣而能泊大艦有屏蔽之處僅此青島北面深水

一條寬約二里長僅十里此全澳之水勢也合山水之勢論之則口門小於威海而不如旅順口門之緊固而水比威旅加深守土者宜設防於此庶有事之時可以杜外人占爲立足之地然口門三巖左右山凹臺礮之費已屬不少而青巖之東陳家巖之西山勢過峽各有數處能由海外登岸抄入其布置之餉力誠非易事若以目前水師口岸而論其事之難者更有數端水師口岸以修船之隔供船之煤最爲要務而煤爲尤重無隔則船不能修無煤則船不能行修隔作廠之費固已非小款而磚瓦木料就地無可取材磚瓦尙可設法造礮木料則隔海遠運於奉省之東溝卽以上岸碼頭而論自岸以至大艦能泊之處長須二里費亦不貲此皆一成而不再用之費使餉力充足猶可以人力施之不過事難多

海軍商稿一

三五

費而已至於常用之煤斤兵馬之芻糧日所必需不容缺乏者也近日天津之煤出大沽口運旅順五百七十餘里運膠州則一千二百四五十里是軍需各物水道運程無故而加至一倍半之多終年日用之常其暗耗者積少成多其數豈可限量此轉運之事終年暗耗之病也論者謂萊州濰縣產煤足可供用是又畫餅充飢之說膠州城去濰縣二百四五十里上游雖有膠萊河不常有水卽有佳煤旱道何以運取再以膠城至口百里水淺處八十餘里祇能以數百石之民船駁運水陸展轉運價又當幾何況濰縣煤產祇見浮面未考其下之多寡精粗豈非畫餅之謂乎

國家帑項艱難之時疆臣事事求其節省尙或時慮不繼豈可再開暗耗之門此平時費力耗餉之大端略舉而論之耳

以兵力而論北洋之船現僅十餘艘自顧十四島旅順煙威之門戶尙慮船單即將來添至三十艘亦不足分駐其地蓋其地僻處海角去成山五百餘里又去黑水洋行船正道三百餘里輪船來往百里外不見其煙況數百里之外乎設或一朝有事如敵船由黑水洋北駛膠澳尙未知覺此口地勢之偏僻斷非目前之兵力餉力所宜用也此管窺蠡測就其所見及者縷陳之是否有當伏乞鈞裁

琅威理布置膠澳說帖

附

謹按山東膠州澳在之罘之北經三十六度三分東緯一百二十度十四分地氣和平口外東邊山勢崔嵬無沙石之險大小船隻可以離岸百碼行駛無虞口門環抱外口以陳家島爲南青島爲北偏東取準約八里又以陳家島爲南坦島

海軍圖稿一

三五

爲北取準約六里爲此口至狹之處內口以黃島爲西坦島爲東取準約七里澳內水面廣大如湖雖水之深淺不一可以按船之蓄水之尺寸分別行駛駐泊卽比之歐洲最盛之水師兩軍之船均可容泊澳中東北一帶內不見外西南近黃島一帶內外略露有事時船可盡泊澳內東邊大山可以屏蔽由外口駛進過陳家島正西偏南有暗虎石湖洄略露轉進內口近坦島之北偏東有浪湯石湖洄亦見均無礙於船之行止內外口無論潮之漲落蓄水最深之船可以隨時出進實爲海軍之地利南北洋水師總匯之區也除摹繪膠州澳圖注明水尺礁沙島口名目外應將布置各節詳細開呈於左

一口門外口南岸陳家島宜設礮臺三座一在張駝山一在

佐壁一在鳳凰山北岸宜設礮臺二座一在小梅窪一在坦  
嶼內口西岸黃嶼宜設礮臺一座均用三合土建築礮臺宜  
小工料要堅每臺應配置七百磅子至八百磅子後膛大礮  
三尊如卽開辦可先築圖上畫方圈者四處圓圈者兩處可

緩辦

若從省或先築上壘每一礮臺改爲三壘每壘置大礮一尊似非長策

一陳家嶼內之南灣地甚潛密可以藏伏雷艇進退便速該  
處岸邊坡而不陡可以設立存儲雷艇之所約需大小雷艇  
十二隻魚雷酌配

一口門兩邊各山嶼近海邊過峽處宜分築小土壘配置機  
礮快礮各約二十尊以防小船近攻惟各土壘宜在大礮臺  
相近山過峽處安置

一陳家嶼東海邊山背照圖上紅點處宜設二等燈樓一座

海軍函稿一

三七

以便夜間行船此燈自東偏南一字自南偏東二字其色須  
紅燈光約照十海里外又自北偏東五字自東偏北一字其  
燈色亦須紅以照口內暗虎石其餘各燈向皆白色口門諸  
處均可洞照

一口門水溜甚急宜專設浮雷約七十箇可數堵禦

一口門兩岸並黃嶼一帶尋常須駐陸軍六營擇要分布兼

守各礮臺操演礮位有事時須添派六營爲兩岸游擊之師

一鳴廠軍庫現審度澳內陰嶼可以安設應由辦工人擇定

地勢方可合宜水淺處宜設長碼頭

一煤爲水師大宗亦應預爲籌畫探聞維縣馬司莊有民人

開挖距膠二百餘里其煤質之精粗煤苗之多寡未能遙度

如設水師口岸應先派礦師前往試驗

一距澳三十里靈山衛出磚瓦距澳百里張壩出石灰至石條石塊可就地開鑿惟木料附近無產處須由關東江南運來

一糧草食物并船上需用草蓆子車油花生油等項膠地均不昂貴

一以上布置所需魚雷艇魚雷及守口浮雷各項礮位軍械等件購價應由軍械總局估計礮臺陽廠軍庫各工程經費應由海防工程局估計燈塔造費應由海關營造司估計照以上布置有成以後每年需餉項經費若干應由海防支應局核計

一如照以上布置若敵人來犯不能得利  
議覆朱一新條陳

光緒十二年六月十五日

海軍商稿一

天

鈔寄御史朱一新條陳海軍摺件屬卽核覆等因查該御史所陳膠州設重鎮一條與許奏相同前函已詳晰剖論勿庸再贅惟稱旅順非戰守善地又云其地鎖鑰非洋屏藩遼瀋未容置爲緩圖誠如尊示矛盾其詞所云旅順六病亦未盡確一口門狹則我能出而敵不易入轉覺緊固易守敵船封堵與否本不係口門之寬窄二疏濬於淺費帑凡水師屯埠不論大小未有不須疏濬卽未有不費帑者三口外亦有淺灘暗礁不盡陡岸敵雖有可登陸之處要在防守嚴密四各礮臺皆有巨礮交互夾擊敵船炸彈有山遮蔽內埠不致大損五無內河通腹地固無如何有事時須預集陸軍援護六大連灣距旅尙遠金州後路暫有毅軍分防臨時仍應添兵彼不過欲先固膠州故爲抑揚失當之論殊不知膠距天津一千三百餘里實屬鞭長莫及且膠澳僻在登萊背後距黑水

洋至成山頭行船正道尙三百餘里敵船可揚舫直北不必旁趨若以全力營膠州而置旅順於不顧彼謂堂奧得以晏如者實未敢信書生逞臆妄談無足怪也又閩粵宜添水陸學堂永停出洋肄業一條福州船政之興二十年來駕駛管輪學堂英才輩出現南北管駕兵船者閩廠學生居多以其稍知門徑較鹵莽滅裂者差勝學有技藝加以歷練則膽勇自壯若專取膽勇而無技藝必至如福建管駕橫海新船之忻成發一出海便失事矣粵省擬創設學堂而未成應請飭該督撫迅速設法興辦至謂天津學堂章程可觀奉行不力習業之時甚暫嬉遊之事恆多鴻章督令道員呂耀斗楊宗濂等分管水師陸軍學堂逐日躬親查察規矩實甚嚴肅並無舍業嬉遊情事此日前鈞駕在津所目擊者惟有嚴飭提調教習各員益加勤慎管束勿稍怠荒以弭讒慝之口至謂出

洋學生多染夷風甚或私習洋教尤非篤論查派遣出洋學藝同治九十年閒曾文正首倡斯論欲使西人長技中國皆能諳悉然後可圖自強同治十二年沈文肅葆楨在船政任內奏明遣學生分赴英法深究其造船駛船之方推陳出新制勝之理曾沈二公皆閱歷老成謀國深遠所見豈在朱一新之下蓋西法精奧非赴其學院船廠及大兵船隨班課習不能深造近年自西洋學成回者製造駕駛閒有心得尙苦拔十得五才不敷用今欲擴充海軍添置船礮而先停其出洋肄業之途必致有船而無人可用因噎廢食斷無是理陸軍學生本無庸出洋水師則西人絕技須先在學堂課以測算再遣出洋精習數年乃冀有成夫海防根本首在育才天下各國皆然日本葢爾小邦歲遣聰穎子弟數百人分赴西國學藝近年水師整練頗與西人抗行中國欲求自強而自封

其途此陋儒一孔之見也至染夷風習洋教目前尚無其人惟在出使大臣及出洋監督等隨時督責訓戒則流弊自少又購買船礮責成曾紀澤核實經理一條上年英廠訂造快船二艘卽由曾紀澤經辦每隻需銀八十餘萬視李鳳苞前在德廠購濟遠鋼甲快船價六十餘萬尚有過之優劣本無定論現各省購辦外洋鎗礮業經總理衙門奏令出使大臣就近采訪經理自可杜弊所請應無庸議又海軍衙門宜仿總署之例額設滿漢章京一條此事應由殿下察核主政所稱取士於京師不如取士於天下之大似尚有見是必選派熟習各國海軍規制情形者方可得力若如總署額設章京滿漢正途出身皆由考試卽不重小楷亦未必能通達時事也謹據管見所及據實臚陳是否有當敬乞酌裁覆奏爲幸

議購大魚雷

海軍函稿一  
光緒十二年六月十五日

三

鈔寄時報內試驗水雷船一則查此種大魚雷船能出大洋能守海口係各國新式卽鴻章去冬函內所擬淺水鋼快船之類較旅順魚雷營演練之百尺小艇尺寸加長礮位加大行駛速率相等專擊小雷艇又載有魚雷可乘閒攻毀鐵艦聞英法德近各添造數十隻號稱猛利英法各商廠皆開送圖式價值每船約合銀三十萬兩內外如有款可籌似應酌購二隻於北洋防務有裨敬乞卓裁

請醇邸主持海軍

光緒十二年六月十五日

承鈔示航海吟草指事敘情歷歷如繪將來刊入大集俾鴻章輩得附驥尾以留名實爲三生之幸田盤紀游諸作如入武夷勝境令人有天際真人之想不獨格律氣韻跨越三唐已也謹當什襲

珍藏傳諸不朽拜惠何涯海軍事宜一時猝難就緒全賴殿下深明機要大力主持可以逐漸經畫昨讀初十日

懿旨親政在邇將復舊制竊慮

撤簾之後殿下勢將引嫌辭遜目今時勢多艱解事者少任事之人尤少設局外羣言龐雜多方撓惑徒令掣肘寒心連日籌思大局寢食俱廢鴻章受

恩深重與

國家誼同休戚屬在外吏未敢冒昧進言不知有無權宜盡善之方耿耿寸衷徒殷杞抱夙叨摯愛知無不言想殿下亦未忍恣然也

醇邸來函

附

首夏之役詩題多而詩思澀兼以疾趨自無善步重承齒及

海軍函稿一

三

抱慚曷極近事傍徨九日一旦獲安實天下臣民之福遙想蓋懷必極慰悅第不才兵柄謬膺心長才絀全賴碩畫宏遠匡我不逮朱疏耳食太多隱爲黃疏之繼必當逐條細按署擬尙略故手擬一稿寄閱請酌

論 懿旨訓政兼述外情

光緒十二年六月二十七日

奉六月二十二日手諭並鈔寄奏稿謹聆一一伏讀十八日

懿旨一道概允

訓政數年非殿下回

天之力不能有此轉圜遠近臣民額手交慶鴻章私衷忭慰更不待言遇有應辦事宜力所能及者必當殫竭血誠實心贊助以仰副集思廣益之盛懷朱一新摺荷蒙逐條核議語語精確欽佩奚似想不日即可入

告矣巴爾德前在津談及願見之誠求為轉達茲約會各使已齊  
七月初開可否示期會晤以昭大信而免疑議近日袁世凱疊次  
密電朝鮮君臣欲暗向俄人相助保護串謀甚祕昏噴已極惟無  
顯著形跡亦非筆舌所可喻禁似祇有俟其發端稍露再請示相  
機辦理丁汝昌現帶鐵艦快船巡察東海已於二十一日至朝鮮  
之元山計將由永興灣行抵海參威一帶吳清卿勘界八月初竣  
事擬由威乘兵船內渡已屬其與丁汝昌電商妥辦合併附聞

李文忠公海軍函稿

卷之二目錄

論南北洋分款

光緒十二年七月初四日

論南洋差操

光緒十二年七月初四日

論南船黔礦並贊邱疏

光緒十二年七月十二日

籌朝鮮私叛

光緒十二年七月十五日

袁道來電

附光緒十二年六月初六日申刻到

袁道來電

附光緒十二年七月初七日巳刻到

袁道來電

附光緒十二年七月十四日酉刻到

袁道來電

附光緒十二年七月十四日酉刻到

袁道來電

附光緒十二年七月十四日酉刻到

海軍函稿二目錄

袁道來電

附光緒十二年七月十四日酉刻到

袁道來電

附光緒十二年七月十四日酉刻到

寄彼得堡劉使電

附光緒十二年七月十五日申刻到

袁道來電

附光緒十二年七月十八日酉刻到

譯署來電

附光緒十二年七月二十四日

議朝鮮事

附光緒十二年七月二十一日亥刻到

袁道來電

附光緒十二年七月二十一日亥刻到

袁道來電

附光緒十二年七月二十一日亥刻到

袁道來電

附光緒十二年七月二十一日亥刻到

袁道來電

附光緒十二年七月二十一日亥刻到

袁道來電

附光緒十二年七月二十一日亥刻到

袁道來電附光緒十二年七月二十一日亥刻到

寄彼得堡劉使電附光緒十二年七月十九日未刻

劉使來電附光緒十二年七月十九日酉刻到

寄劉使電附光緒十二年七月二十日巳刻

劉使來電附光緒十二年七月二十一日巳刻到

劉使來電附光緒十二年七月二十三日酉刻到

寄劉使電附光緒十二年七月二十三日酉刻

論朝鮮局勢附光緒十二年八月十二日

論俄日窺韓附光緒十二年八月十八日

與俄使拉德仁問答節略附光緒十二年八月十五日

議覆李福明條陳並粵西礦產附光緒十二年十月十六日

擬覆奏底附光緒十二年十月十六日

海軍商稿二目錄

議崎案並驗收新船回華附光緒十二年十月十六日

醇邸來函附光緒十二年十一月十八日到

議北堂兌款並籌南海工費附光緒十二年十一月十八日

醇邸來函附光緒十二年十二月初八日到

籌借洋款並議覆四事附光緒十二年十二月初十日

稅司德瑾琳來稟附光緒十二年十二月初八日到

論南北洋分款

光緒十二年七月初四日

桐城吳汝綸編錄

北洋海防應支經費除三艦薪糧等項另案請領外其常年一切用款計需銀一百萬餘兩若購辦軍火器械添築臺壘各項非可按月按年預計者尙不在內早經咨呈有案前以上年節存之款用罄若俟各省關稅釐解齊再赴鈞署請領深恐緩不濟急因援南洋准留江海關稅蘇浙釐金成案請將浙海等關稅湖北江西釐金一併逕解北洋誠以常年用款繁巨不得不籌簡捷辦法以供要需亦免輾轉領解致多周折茲蒙示擬將江海關應解北洋四成一半稅浙海山海關應解南北洋四成稅及江西應解南北洋八成釐金咨令逕解北洋設有不敷令由敝處隨時咨商籌撥

海軍函稿二

一

其鄂省釐金閩海關稅留備南洋等處撥用等因仰見統籌兼顧全局在胸莫名欽佩自應遵照辦理惟江西爲兩江轄境敝處有鞭長莫及之虞若將該省釐金預備撥給南洋則就近提用呼應較靈且江南有代徵江西贛關絲稅等項向於此項應解釐金內劃抵亦可仍循其舊應請將江西釐金留備南洋撥款其湖北釐金卽撥歸北洋以抵江西應撥之數該兩省釐金按八成皆係二十四萬兩並無出入計北洋應收湖北釐金銀二十四萬兩江海關四成一半稅銀約十餘萬兩浙海關四成稅銀約二十萬兩山海關四成稅銀約七八萬兩歲約可得銀六十萬兩但江海關四成內有籌還洋債留撥機器局用費浙海關四成內近奉部撥加放俸餉二萬兩旣多抽分湖北釐金亦恐解不足額惟有隨時儘力商催伏乞鈞署先於此次行令逕解文內嚴切責成勿稍短

欠至為禱幸此外尙短常年用款銀約及四十萬兩及現撥稅釐嗣後儻有解不足數之處自應遵照來諭隨時聲請籌撥俾資接濟至各省關額撥兩洋稅釐除現飭巡解北洋者約六十萬兩前撥歸南洋者計江海關四成一半稅銀十餘萬兩江蘇浙江釐金八成銀六十四萬兩雖亦未能照額全解而大數已共合七十餘萬兩此外江西釐金閩海粵海兩關四成稅約尙有八九十萬兩請由鈞署隨時嚴切催提務令按期如數解京不准挪作他用除酌量留備南洋撥款外其北洋常年不敷之款亦正資湊撥也惟北洋海軍開辦伊始端緒宏大用項實較他處繁多現僅就目下應用之款核計所撥不敷甚鉅況英德新購快船四隻明年工竣來華雇用洋管駕水手等項及沿途一切費用約需銀二十萬兩到華之後配齊船上弁兵薪糧及煤斤修費添置物件等項每年計亦不少敝處均無款可指屆時當再核數咨請併入三艦經費內籌撥合先陳明大魚雷船現無指款自應從緩議購已遵飭存記矣

論南洋差操

光緒十二年七月初四日

海軍函稿一

二

再奉鈞諭以南洋閩粵平日差操若何應札飭各統領詳細分別呈報並令按季將差操次數報署稽核即可爲徐籌會巡合操張本等因具仰提綱挈領實事求是之至意前此鈞署未曾通飭是以各省未卽呈報既經咨行各督撫自必恪遵辦理頃據吳安康稟奉曾帥面諭於七月中旬統帶南琛南瑞開濟三快船赴朝鮮仁川漢城操巡再繞赴長崎與丁汝昌所部會哨東瀛常有兵船往來藉可壯聲勢而戢戎心閩粵能出洋之船更少合併附陳

論南船黔礦並贛邱疏

光緒十二年七月十二日

奉七月初五日手諭鈔示會晤各國公使節略情文並美所示交際志願一節正大和平發龔震賸包羅萬象欽佩莫名在津洋人已有傳誦者各省兵輪可以出海操巡備戰者江南祇有南琛南瑞開濟三艘及南洋現在閩廠續造快船二隻工尙未竣此外皆係舊式木船行駛緩而礮位小僅供運解軍需卽如廣東近造淺水輪船祇可巡緝內河不能出海縱聯絡一氣亦不足備海軍之用潘署撫奏籌貴州開礦各事股本難集條理太少似祇空言而無實濟聞滇省情形略同礦務理大物博鐵礦尤需巨本事事須照西法否則必無成效吏部嚴核保獎新章名爲防冒濫實無以鼓勵真正出力之人蓋不親其事不知其難也伏讀鈔示復疏內云方今局勢不惟任事者宜達時務凡內外臣工孰不當同心協力豈容再存漠然歧視之見洵足爲迂執者痛下鍼砭張幼樵前條陳保舉報銷二事不過迎合人意豈知流弊至此鴻章曾面斥其刻覈不諳大體彼亦後悔今鈞意欲稍變通以鼓勵人才漸開風氣於時局實有關係敬頌曷已

籌朝鮮私叛

光緒十二年七月十五日

海軍商稿一

三

本月十四日酉刻連接袁守世凱密電言朝鮮奸黨私送信於俄使章貝請俄保護並有天下各國一律平行如他國有所未叶請俄派兵相助等語俄使章貝必將此函電達俄廷想俄廷未必拒而不受卽此時礙於中國和誼未敢先發必隱留此案爲將來吞併之計鴻章於此事熟思審處誠如前日鈞諭旣難無題作文又慮棋著落後今事雖祕密機緘已露礙難遷就恐非誅亂黨廢國君無以挽回局勢但由中國派兵往辦顯係拒俄保護而各國疑忌更多口舌愈大現擬派前管朝鮮電報陳守允頤馳往朝鮮以

查看電綫爲名密與袁守世凱及其國大院君李昰應籌商一切  
如果李昰應有誅亂黨之力卽屬其一面正名誅除羣小一面電  
報北洋由鴻章相機酌辦仍查照上年日本約款令徐承祖知照  
該國外務再派兵東渡以資鎮懾彼時應否

簡派欽使修廢立之事須俟察看情形請

旨定奪至李昰應如能自誅亂應由袁守密屬其小心防維勿傷  
各國英俄日聞韓有內亂必派兵船前往巡護俄日甚或派陸兵  
登岸第我兵聞亂卽至先紮王京彼亦莫如之何不敢謂我師出  
無名也且英日必不願俄人保護似不至與我爲難俄人雖有不  
樂之隱亦不能怪我多事與我開釁卽或糾纏不已將來或效巨  
文島故事亦欲佔永興灣或與中國共立保護之約然不能使中  
國此時認奸黨一信爲保護的據而步法越後塵也惟是事機變  
遷非可預度將來能否如鴻章所料可發可收誠不敢必自念非  
洋兵船不足餉力艱窘何敢冒昧從事尙祈殿下籌畫主持速賜  
上

海軍函稿一

四

聞俾取進止不勝翹企劉芝田星使處已有電去屬其請俄不受  
朝鮮此信無論能否辦到然中國命意所在不妨聲明在先使俄  
共曉頃又函約駐京俄使來津晤商一切俄使謂已電請本國示  
遵儻其惠然肯來必當曉以大義屬其勿受朝鮮亂黨之愚而傷  
兩國多年睦誼若彼與我虛文委蛇終無實際則我於朝鮮應辦  
之事亦屬名正言順可告無過於天下各國也此時韓信初去俄  
信未復正在人不及防事未發露之時尙可由我密爲籌措袁世  
凱疊次密電及鴻章與劉芝田電均另鈔奉閱敬祈酌示機宜俾  
有遵循是所禱盼再此事關係機密不得不逕陳殿下總署樞廷

王大臣均乞轉致為幸

袁道來電

光緒十二年六月二十四日亥刻到

前囑閱泳翊力諫韓王頃來密談韓廷信諸小人愚弄時派人赴俄使韋貝處求相助保護為巨文嶼亦求俄派船助韓防英俄使因而愚之欲要文憑密約翊苦諫不入孤掌難鳴大局將從此決裂等語泳翊詞意迫急求飢電稟憲台速設法或將有保護文憑予俄亦未可知惟韓廷謬妄意決至死不悔忠言一字難入且無顯跡亦難遽發或待查其送俄文憑再設法挽回然俄人先入措手未易乞密早籌備一俟發

覺剋期維持庶不至落於俄後

袁道來電

光緒十二年七月初六日申刻到

頃晤閱泳翊探詰以所聞據云韓王信廿餘小人時密商於

海軍函稿二

五

韋貝韓將不屬於華如華不允請俄派兵相助保護韋遲疑未許並云恐華先動兵韓小人云華兵無用如俄兵來華兵必退韋許以三思再定適翊回韓王使翊決之翊知韓廷蓄意已久羣小固結太深如拂此議不但為韓所疏且將為羣小所害徒死無益不如陽順引俄之議而陰密通華即藉華力盡除羣小有此一變庶可持久等語凱詳告背華求俄所關匪細須設法力諫乃為正辦翊云成議已久諫必不入凱云為臣道不可料其不入而不言駁辨良久翊云再相機為之

袁道來電

光緒十二年七月初七日巳刻到

閱泳翊前後各語俱已詳稟細查翊外若附和而心非信俄力持附俄者乃金嘉鎮鄭秉夏諸小人耳然亦不過迎合韓

王意藉爲進身階如僅除諸小人亦未能清其本源而後患未艾伏查韓王見祈西國保護俱屬平行時以三千里山河臣服於華爲恥羣小因而附和至靈臧日深甲申事誤於引日拒華之議近年來謬於引俄背華之議自去金允植而引俄議遂決所以然者韓王首其意而羣小附之也

聖朝馭屬惟盡仁義自韓視之以謂礙於各國無如之何漸試滋長至無忌憚以凱管見韓縱送文於俄俄兵未能速來不如待其引俄張露華先派水師稍載陸兵奉

旨迅速廢此昏君另立李氏之賢者次以數千兵繼渡俄見華兵先入韓易新君或可息事且此時人心瓦解各國怨謗如明降

諭旨再由憲授諭李昱應相助三五日可定尙不難辦如待

海軍函稿一

六

俄兵先入恐華難措手凱庸愚淺陋無能補救苟有一得未敢壅於上聞冒昧上陳無任悚惶

袁道來電

附光緒十二年七月十四日酉刻到

據電局陳令稱有俄使寄俄國長電未識何事因綫斷未發等語凱當卽招泳翊至細問之不肯說再三詰導翊云如中堂告人由於翊說傳入合境翊必先死如中國問罪韓王我無以對吾君凱云必求憲恩不言出於你口且必不問王罪不過僅去諸小人耳並以前憲諭小人可殺電節鈔示之再三詰問翊始云俄文憑已送其文意大概求俄保護與華平行如華不允請俄派兵相助等語文上有韓國寶云云已屬翊偷鈔文稿密送翊許鈔惟韓王信任羣小竟至於此殊可痛恨至俄使電似不可寄已屬陳令如俄寄電姑以電未修

好推之是否乞示

袁道來電光緒十二年七月十四日酉刻到

俄久欲在亞洲覓一水師出路韓有此舉俄喜望外而不欲甘心者英日耳可否乞速派大員核辦並密商英使派水師幫巡海面屬日不可因華動而妄動憲意如何辦理乞密示即便密謀於英日高聯絡一氣至韓送文憑如華向俄說明俄必糾纏而辦法愈難凱管見似宜不必問俄而祇做華應辦之事俟韓事定再由韓政府送文申明前文非臣民所知由於羣小播弄則前送文憑可作廢紙急迫上陳悚惶冒昧

袁道來電光緒十二年七月十四日酉刻到

沅胡密送文稿諄屬求憲恩不可告人出於胡舉發等語謹

海軍商稿二

七

將原文電稟鈔錄送俄文憑密啟者做邦偏在一隅雖獨立自主而終未免受轄他國我大君主深為恥悶今欲力加振興悉改前制永不受他國轄制惟不免有所憂忌做邦與貴國睦誼尤篤有唇齒之勢與他自別深望貴大臣稟告貴政府協力默允竭力保護永遠勿違我大君主與天下各國一律平行或他國有所未叶望貴國派兵艦相助期以妥當深所景仰貴國也肅此仰佈統希雅鑒敬頌勳安大朝鮮開國四百九十五年丙戌七月日奉敕內務總理大臣沈舜澤致大俄國欽命大臣章閣下云云據年月上有韓國寶沈上有圖章

袁道來電光緒十二年七月十四日酉刻到

王及諸閔無非欲與華平行引俄可拒華可制是應甲申事

由於韓圭稷欲挾俄自重今日事由於華送昱應而王及妃切齒怨華釀此巨禍不顧存亡實出情理之外所幸韓民向向華引俄事臣民皆不知而謀之者不過王及妃諸小人耳按其文意華如過問料難措手謀雖狡毒而自誤尤甚頃仁川電曰商船函管丸進口恐俄韋因電不通必由日商船寄電而亞洲駐俄兵船恐不久可至乞速派明練大員籌辦

袁道來電

光緒十二年七月十四日酉刻到

綫已修好前五次稟已鑒否查俄韋及韓廷尚不知中國已查覺意欲待俄兵來再明告各國與華平行愚揣此時俄意亦不過愚弄韓人欲先得海口而徐爲吞併如華出其不意先發速辦則事易了結如遲則俄必糾纏縱可挽回而韓難完全日有商船明日開往煙想俄韋必由煙寄電先調駐亞兵船來仁以壯韓膽近聞諸小人日赴俄館私議恐華先覺問罪俄韋以不久俄兵可來解慰昨晚今早派譯員探訪已有西人紛議俄將派兵來韓開仗想由於俄韋慰小人之語必無大兵東渡也

寄彼得堡劉使電

光緒十二年七月十四日亥刻

頃駐朝鮮袁世凱密電朝政府求俄保護已送密函請韋貝轉達俄廷允派兵船來助朝爲華數千年屬邦天下皆知俄華素好望密探商俄勿受此文朝無事尤勿派兵爲要

袁道來電

光緒十二年七月十五日申刻到

細查送俄文憑日期據泳翊又云係七月初十日西歷本月十一日由宮內小臣崔姓能習俄語者送之

譯署來電

光緒十二年七月十八日酉刻到

本日奉

懿旨醇親王奕譞進呈李鴻章信函各件均悉此時情事未  
定先以整軍備俄爲主李鴻章務將調兵事宜趕緊豫籌爲  
朝發夕至之計先事宜審慎不可大意臨事宜決斷不可游  
移一面酌調兵輪赴朝鮮海面不時操巡以聯聲勢並電催  
陳允頤詢問之事有無把握劉瑞芬詰問外部若何情形一  
有確覆卽電聞請旨辦理欽此

議朝鮮事

光緒十二年七月二十四日

朝鮮送俄文憑一事已於七月十五日詳陳旋奉十八日電傳  
懿旨一道敬謹遵辦適連日大雨各河盛漲決隄衝斷電桿多處  
僅由津至滬出洋尙可通報其東路灤河漲溢三十餘里朝鮮不  
通電將及旬日北河漫口京津電綫亦阻焦急莫名二十一日亥刻

海軍函稿一

九

連接袁世凱十五六七日來電七次係由營口輪船轉寄該守向  
其內外署諸臣詰問據稱係小人假造王及政府皆不知遂令索  
還文憑查辦奸黨俄使章貝則稱無此事如必問將調兵打仗等  
語袁以俄若不還韓當送文查明申敘前文可作廢紙韓臣旣允  
遵辦未知後來有無變態頃又接到芝田二十二日覆電面詢俄  
外部倭良嘎里據稱章貝無信亦無此事謹將袁世凱及與劉星  
使往復各電鈔呈鈞覽陳允頤十九過旗順已令都司張文宣揀  
帶護衛營兩哨改裝隨輪東渡以備緩急計該員等二十二日必  
抵仁川丁汝昌所統定遠鎮遠濟遠三艦由海參崴折赴長崎進  
石陽修理適因水手上岸被日捕尋衅殺傷多人正在電商徐星  
使會同日本外務派員查辦定鎮尙未出陽鴻章電飭先派濟遠  
赴仁並商南洋派吳安康帶南琛南瑞開濟保民四船於二十一

開駛日內亦可抵仁丁汝昌俟定鎮修竣卽飭赴朝鮮海面操巡  
聲勢尙可聯絡此時朝鮮旣抵賴畏懼俄廷又佯爲不知似難遽  
聲罪致討袁世凱所稱俄調兵船速至抗華尙係臆度謠惑之詞  
未可深信卽李昱應開居退處其權力亦未必能誅鋤羣小且俟  
陳允頤到後察商若何情形有無把握再行相機酌辦一面催修  
各路電綫以速軍報隨時奉聞前邀駐京俄署使來津面商巨文  
嶼之事昨接復函擬不日到津俟晤談後若何當再續布先將來  
往函稿照錄呈閱昨奉七月十八日鈞示屬籌巨文嶼事容俟籌  
商定議另行詳覆英署使歐格訥前過津談及巨文永興如皆作  
爲各國通商口岸英卽退出巨文亦無他國能獨占者據稱已由  
華使電商英廷擬以此意照覆朝鮮未知果否

袁道來電

光緒十二年七月二十一日亥刻到

海軍商稿二

十

前稟甫發而外署徐秋堂來詞意似來訪探凱卽正言厲色  
問其何恃而爲此徐悚懼馳入告王凱想旣已發不如聲明  
卽招內署及諸營將等來厲辭責問喻以利害俱悚懼馳入  
宮尙未回聞外間民情亦動是應頃遺書探問想韓王必懼  
姑看各臣回如何辦法再稟

袁道來電

光緒十二年七月二十一日亥刻到

諸臣馳告王王大恐派領相沈舜澤右相金宏集及內外署  
諸臣先後皆至據云王及政府皆不知必小人假造等語凱  
云旣不知當索還此文如假造當查辦小人諸臣俱有難色  
凱詳言利害並云

聖朝東顧義盡仁至何負於朝鮮有此一舉顯係青華如  
天朝震怒將興大師問罪未知韓何以應諸臣甚悚夜深又

馳入告姑看今日如何辦理如能索還文憑查辦小人俄應無可糾纏俄未至華先發韓勢必懼而姑且聽命如俄至恐又變卦乞仍設法籌備如水師日內先至庶壯聲勢尤易措手

袁道來電

光緒十二年七月二十一日亥刻到

頃是應來談頗憤凱告以大義屬赴宮泣奏韓太妃痛陳利害民情亦因而浮動韓王惟有恐懼滿口抵賴先後派內外署各臣來求原諒定將文憑索回並辦諸小人凱令其必將原文送凱處方可息事諸臣亦允速赴俄館索回文憑

袁道來電

光緒十二年七月二十一日亥刻到

頃據是應函稱應入宮執王手大哭並泣奏王太妃卽王及太妃均哭惟王妃坦然自若以謂索回文憑卽可無事華雖

百萬兵何慟之有

海軍函稿一

袁道來電

光緒十二年七月二十一日亥刻到

頃內外諸臣來稱已拏金嘉鎮趙存斗金鶴羽金養默治罪惟派員索俄文憑俄使云無此事如必問將調兵打仗並將詰袁某不應問此事等語凱想必韓廷索還不得強詞抵賴且爲哄嚇小兒之計仍變色逐駁韓臣始稱有此文而俄使不肯還給凱云如俄不還華必向韓廷問罪屆時毋悔韓臣云再設法密派小人騙來如終不還將奈何凱云如真不還必須送文查明再申敘非國王政府所知前文可作廢紙韓臣允遵辦惟聞羣小逃走姑送文憑與俄速調兵船俟兵至再抗華詭謀難測變亂岌岌凱赤舌戰雖內急外擾大局所關凱不遑計惟乞憲台速派大員率兵查辦或可挽回恐

俄先入凱不足惜大局去矣急迫上陳敬候訓示

袁道來電附光緒十二年七月二十一日亥刻到

頃聞送文人的係蔡賢植而前稟誤崔姓賢植親奉韓王面諭送於俄昨韓暗使蔡逃而幽害之以滅口欲抵賴匿憑以待俄兵然文憑有韓王國寶將不知從何抵賴鬼魅情形殊可切齒此時臣民交鬪舉國鼓沸如有五百兵必可廢王捨羣小解津候訊查王及妃託俄已深事必通俄句引串謀愈去愈深華難勝防凱本庸愚謬叨委任際此非常瞬息千變日夜焦急伏乞憲台密授機宜庶無隕越

袁道來電附光緒十二年七月二十一日亥刻到

頃日使派員來稱韓送俄文聞有二次俱有韓國寶等語凱當再詳查如然則韓王真風顛矣

海軍商稿一

十一

寄彼得堡劉使電附光緒十二年七月十九日未刻

聞朝鮮奸黨假造印文送章員俄廷明知我屬邦諒不受此僞信外部倭良嘎里駐華年久睦誼素敦望詳切開導昨奉電旨劉詰問若何情形即電聞候覆

劉使來電附光緒十二年七月十九日酉刻到

外部未定期會晤即力商聞章員今春回俄即往朝鮮俄海部尙書自四月往海參崴尙未回

寄劉使電附光緒十二年七月二十日巳刻

海部前在歲宣詞無意南侵吳巴勘界甚和洽朝三數小人欲引俄背華臣民不服度俄亦必不信

劉使來電附光緒十二年七月二十一日巳刻到

昨催外部速定期相見尙未覆見即詳切開導探知俄夏間

派兵輪三隻赴海參威水師提督格爾尼羅衛同往海部名

赤哈車甫

劉使來電

光緒十二年七月二十三日酉刻到

今日會外部尚書倭良嘎里詢以韋貝收朝鮮密函求俄保護此事確否朝鮮為中國數千年屬國天下皆知望俄廷勿受此函切勿保護倭云未聞朝有求保護之事芬云朝送韋貝印文係朝奸黨假造俄廷切不可受此偽信免損中俄交誼倭云韋貝並無信來芬云如有此事華必不讓倭云實無此事芬再密探

寄劉使電

光緒十二年七月二十三日酉刻

袁電問朝鮮內外署據云小人假造文憑王及政府皆不知袁令索還查辦朝鮮派員向索韋云無此事如必問將調兵打仗朝已認

海軍函稿一

十一

假造倭亦云無即使暗中句通諒難露面暗倭時應請約明如有此事即作廢紙能得一函為據更妙

論朝鮮局勢

光緒十二年八月十二日

朝鮮之事最難處置閔泳翊乃王妃之姪見諸小人欺朦國王密送國寶印函於俄使求俄保護因與袁世凱素熟乃密報袁轉達迨發覺後該君臣又互相掩飾俄廷亦未明認祇可暫就了結然謂韓廷從此潛消異志恐國本先拔難保不生他變各國駐韓者趨嚮不一日來頗怪袁世凱多事蓋皆有嫉忌韓為我屬之意若我遽加兵易主責言更多掣肘立覓剛柔操縱勢在兩難非至萬不得已時未便聲罪致討袁守精明剛躁鴻章每切諭以鎮靜勿擾但因壬午甲申兩次定亂該守身行閒頗有德於韓民情情形亦較熟悉權宜用之惟其洋務素少歷練年資稍輕誠如鈞諭宜

預儲通品爲他日替人第係難作文之題通品亦不易得李昰應年近七十又畏各國環伺恐其無能爲役嗣後再有事變應遵示遲致總署轉陳昆明湖水操舊制係用何項船隻若舳板礮船運掉尙能自如若用小輪船該處不通大河似難遠駛製造及煤油薪工需費亦屬不貲伏乞妥籌熟計謹候咨示遵辦

論俄日窺韓

光緒十二年八月十八日

朝鮮監國之舉局外每持是論鈞意未肯率爲附和深識遠慮敬佩曷任查元朝曾屢派員往監國政卒釀禍變而止其時尙無各國通商之事今則牽掣更多俄固不願猶可以口舌爭日初與立約卽認朝鮮爲自主獨立之國明係不讓他人干預蓋日韓中小海交界最近元初三道出師征倭有一大軍由韓取道渡對馬島而入倭幾受創茲明知我屬而認爲自主一防我掠地侵逼一

海軍圖稿一

七

利韓貧弱爲他日併吞地步意極很惡若遽派員監國無論韓君臣觀望反側操縱輕重之間難得妥洽日人必先決裂陰喉各國連合阻撓恐有進退維谷之時且不擁虛名真有鎮壓實效者環顧京外實難其選所謂言易而行難者此類是已去秋李昰應回時力請監國大員今閔泳朔私發送俄印函抵煙臺後亦有書來請派兵保護防俄定朝鮮洽國好法其言似爲大局起見然各有私心昰應欲藉我力去王妃泳朔欲藉我力去小人又昰應世仇恐奪政柄而不顧我之挑衅日俄也目下時局艱難須先自治而後治人韓雖可慮有俄在旁日斷不遠生心我當壹意聯絡俄人使不侵佔韓地則日亦必縮手似祇有練兵儲餉見症治症未便輕舉妄動以致一發難收循繹來示正與鄙見相同連日俄署使拉德仁奉其國電命來津會商韓事昨將曾劄劄咨送英外部

議覆巨文島辦法節略交閱彼已電請該國示遵茲先將閱泳翊  
稟函十五日與拉使晤談節略照鈔奉覽可否轉交總署閱看俟  
拉使覆議若何當再緘達總署轉核辦巨文亦與作通商口岸  
之說尙未便與拉使議及昆明湖習水操創學堂以漸開風氣經  
費暫由練餉內設法挹注恭讀奏稿仰見臚民覺世培植根本將  
材一片婆心欽仰奚似俟續奉牘示隨時督飭局員妥細籌商儘  
力協助海軍餉需日增重費盡畫同深焦悚英德四艦明夏即須  
來華沿途雇送盤費及到防後薪糧一切實愧緜力無可供支務  
乞豫籌及之

與俄使拉德仁問答節略

光緒十二年八月十五日

十五日下午四點鐘署理俄國公使拉德仁帶同繙譯四達爾祚  
福來見寒暄畢李云這幾天接到貴國駐紮朝鮮總領事韋貝來

海軍函稿二

十五

信否接到貴國家電信否拉云韋貝未有信來本國外部由海道  
來電命我來津會李中堂議事其所應議之事由陸路發電詳告  
此電須由恰克圖專送再遲五六天即可接到李云我們議事總  
須開誠布公不要說一句假話拉云甚是中堂分付的話我自己  
辦得到的即自己辦了辦不到的應請國家示李云我們要議的  
即英據巨文島一事從前汝前任公使博柏福與我說起請我勸  
英國不要據此島隨後我見英國歐署使並其新派公使華爾身  
均已詰問曾侯亦以此事詰問倫敦外部拉云英據巨文島係由  
俄英在阿富汗爭界一事而起英據此島之後俄國從未過問因  
此事與中國有關繫與俄國無關繫李云汝們可不問此事不管  
此事麼拉云此係中國的事俄國本可不問惟中國如與我商議  
我亦可相商李云我以此事詰問英國他說我本不要此島因恐

爲俄所據故以先占爲主今一退出則必爲俄有拉云我們並沒有占過別人地方英國何得如此措辭李云他說中國如能保別人不來據他卽退出拉云這箇話可以信得麼李云可信不可信這也難說惟彼此藉口俄國如可保我卽可保英國自必語塞拉云論此事不要提起俄國名字李云他祇要中國能保他卽退出他意中係指俄國文中祇說他國拉云自始迄今俄國彷彿不理此事英國侵占此地時說怕我們今不肯退亦說怕我們無非因我們力大李云我們兩國請他退出可乎拉云我們與英國不和氣時旣未提起此語如今和了更不便說朝鮮係歸中國管理巨文嶼又係中國戶庭此事自應由中國專辦中國地大力強不藉他國之力能令英國退出豈不更爲露臉李云英國退出俄國永遠不要此地麼拉云爲甚麼怕我們我們並沒有占過你們的

地李云英國怕你英國對我如此說我不能不問俄國拉云英國商務甚盛占據此地是其本意推諉俄國不過藉口之辭李云你給我一實在不占憑據我便可令英國退出拉云中國本不應疑俄國譬如有一體面之人不能預疑其行竊李云英國外部復曾候節略我可鈔一分給你看看請不要洩漏拉云我聞英國海部中人願將巨文嶼退出者止一小半其不願者竟有一大半中國如令退出卽要辦到底如旣令其退出彼竟不退更爲有礙李云先將英國節略鈔出給你細看後再談拉云好極俄國並無疑慮中國之處儘可放心近日朝鮮有何新聞李云你們諒必亦有所聞拉云外間謠言太多李云謠言未必無因朝鮮國王過於長厚沒有好主意朝廷中有一輩小人說如歸俄國保護卽與各國平行不作中華屬邦拉云俄國國家主意我很明白此事與俄國主意

不對李云我一聞外間有此謠言卽令劉欽差面詢俄國外部據外部侍郎倭良嘎里說實在沒有此事卽有此事亦當將其文牘作爲廢紙拉云恐怕從中有人要離開我兩國交情李云我於此事辦得光明正大一聞此語卽問俄國外部外部既云沒有此事我卽不能不相信拉云我亦接外部電告相同但此事總是有人要想離開我兩國交情如彼此兩國以後相信不疑此等謠言卽無從而起李云其文牘據朝鮮國王說係小人捏造朝鮮國王實無此心俄國外部既說實無其事更好拉云捏造文牘之小人果係何人總要查出李云朝鮮國臣子亂得很此等小人一經查出總要重辦拉云朝鮮係極貧之國無甚出產如欲占此地第一要經費第二要兵力第三必至與中國日本和俄國家斷無此意恐是中閒有人要離開我兩國李云英國說俄國遲早總要此地

海軍商稿二

七

我本不信俄國得了我黑龍江吉林一帶荒地花錢不少若更要朝鮮荒地離本國太遠恐費力不討好拉云中堂料事極明英國已取緬甸是其好占人地之據並要進窺西藏嗣聞總理衙門不准前往已作罷論大臣謀國本應如此李云英國自己已有私心偏要說別人有私心拉云以後我兩國無論何事無論有何等謠言祇要彼此開心見誠細說自可明白請中堂轉達總署大家皆照此辦法必不至起爭端李云當爾達總署遠英國節略中有兩層辦法請拉大人細看那一層好拉云俟恰克圖陸路電報來時再訂期面商遂別去

議覆李福明條陳並粵西礦產

光緒十二年十月十六日

公函以武舉李福明條陳一摺所論橋路各節均直屬興辦之事令卽酌擬覆陳摺稿寄呈以便商推會銜覆奏等因仰見殿下主

持大計勿爲浮議所惑欽感莫名試辦鐵路一節前數年內外臣工屢有條陳去歲左相遺疏復痛切言之鈞指亦有試行漸開風氣之說無如各省疆吏畏難因循又慮爲清議所阻無敢創舉鴻章憂時感事亦未能冒不韙以獨伸己見去秋曾擬試辦大沽至天津百廿里之小鐵道展觀

簾前略經陳及仰蒙

俞旨允可嗣因集貲未成適開平礦局稟請由紳商集股接修胥各莊至閻莊六十餘里鐵路運煤便商於民間廬臺耕作毫無妨礙批准試辦殊與洋人無涉亦欲藉此漸開風氣也李福明原呈語多隔膜不切事情而又請集貲自辦該武舉素不知其人天津華商未必即能籌措億萬金且謂鐵路能修者眾可不用外洋一人尤屬誕妄中國鐵礦未興無鐵條機車則路由成各國鐵道

海軍圖稿一

七

條理甚精利病甚多必須問途已經若不雇一二洋匠熟手終恐浪費易壞現擬傳該武舉來津切實面詢再行核酌奉聞至津河改造鐵橋二道由蘆商捐辦業經興工每橋不過萬金事屬細微無足詫異遵即酌擬摺稿奉呈鈞核敬乞卓裁改定會奏爲幸粵西礦產礮石等項前粵紳余瑞奇到飭局化驗據稱礮石即銅帽所用之安錫摹尼白礮即銅帽所用之布達撒與尊處鎗礮廠分略同惟須加硝強水銀白藥始可作銅帽拉火爆藥所需無多粵產每百斤合價銀三十圓與購價二十四兩相等已咨請粵督就近察酌採取機器局稟鈔呈鈞核

擬覆奏底

附光緒十二年十月十六日

奏爲欽遵查明具奏事九月二十九日准軍機處鈔交都察院呈遞武舉李福明條陳一摺本日軍機大臣面奉

慈禧端佑康頤昭豫莊誠皇太后懿旨著總理海軍事務衙門查明具奏欽此當經恭錄函知臣鴻章一體欽遵查照臣等細閱武舉李福明原呈大致謂天津現修鐵路民心惶惑請籌挽回補救今年天津欲修鐵橋四座商民恐洋人專陸路之利邀懇免修現在已將修鐵橋一座又由胥各莊至蘆臺由紫竹林至海光寺各修鐵路並有英國運來火車鐵路存儲英棧去年秋閒美國人雇天津民人王靜波李桐玉等查看道路意在由大沽口修鐵路至紫竹林似此情形鐵路日增將來修至京師一切貨物頃刻到京天津等處生意必見蕭索請將鐵路拆毀永不准修若必須鐵路則與其修自洋人不如修自中國修自官府不如修自百姓修自洋人有三害修自官府亦有三害修自百姓有十四利就目前情形而論天津各商籌措億萬金該武舉所知各家即可立辦若由

海軍圖稿一

九

東便門外迤南至張家灣五十里由商出資修鐵路數月可成再由張家灣修至天津之西沽既通百貨趨京之路卽杜洋人罔利之萌補救之法又莫便於此各等情伏查今日東西洋各國莫不以興修鐵路爲亟務大而徵調轉運小而賢遷有無凡人力舟車經年累月而後至者瞬息可以畢達其利固不可殫述疊經中外臣工條陳有案上年原任大學士左宗棠覆奏海防摺內請開鐵路經王大臣等會奏應否擇地試辦另行妥議亦係相時度地試行之意夫中國士大夫有毀謗鐵路謂必不可造者大旨謂於民間墳墓廬舍有礙不知外洋鐵路縱橫數千萬里祇須能容兩軌數尺之地凡遇墳墓廬舍之處稍爲迂曲卽可躲避又謂於民車騾馬腳夫生意有礙不知火車正道商貨湧集其岔路分運所需車騾夫力尤多生意更旺又謂我能往寇亦能往設利器假人禍

且不測不知鐵路稍有斷缺則全體捍格不通設有敵警無論何處毀斷若干卽成廢棄上年大沽口內河水涸淺輪船運貨運漕不便有謂宜從大沽修鐵路至天津紫竹林者臣鴻章因集貲不易暫置緩圖但其辦法條理不妨從容籌計中國工匠尙未辦過不得不覓洋人熟手估算適遇美國提督魏禮森在該國督修鐵路多年人頗正派曾與討論數次而並無成議閒有洋商欲借資附股臣鴻章皆嚴卻之誠以鐵路關係

國家利權甚大一與洋人牽涉易滋流弊本年七月閒據灤州之開平煤礦局以所開新河歷年淺阻原修鐵路止二十里運煤遲滯恐誤各兵船之用該商董等稟請從胥各莊至閻莊沿新河南岸接修鐵路六十五里其鐵路所經之地皆礦局昔年價買民間空地派員察看皆係荒城不毛之區並無墳墓廬舍估需工費銀

○海軍圖稿一

三

十五萬兩招集紳商股本不動官帑不惜洋債所雇工匠止用礦局原雇洋匠一名襄理工作其餘皆雇附近民人計口給價臣鴻章稔知西洋煤礦必有火車接運乃能興旺開平既仿西法開采日出煤八九百噸北洋兵船機器局實賴此煤應用以敵洋產遇事必當量予維持察其所擬接修鐵路辦法尙屬妥洽遂批准令其試辦擬俟辦有成效再行奏陳至天津現擬建造鐵橋兩座係因運河原設浮橋木船歲修多費改作鐵橋既可堅固耐久亦便來往行船此係長蘆鹽商捐辦爲地方尋常善舉之事與洋人無干並無商民邀懇免修更非因建鐵路而設紫竹林至海光寺亦無商人請修鐵路之事洋行有運小鐵軌至津自在租界內擺設任人觀看尙無人訂購照約亦不便阻止以上各節均係傳聞失實無足深辨至李福明所稱鐵路修自洋人修自官府不如修自

百姓尙屬有見之言適與開平現在辦法略合中國自設招商輪船局礦務局電報局以來從未准洋人入股豈有鐵路而反借資洋人者從前上海至吳淞洋商自建鐵路臣鴻章與南洋大臣兩牘頗商終令拆毀而後已畿輔重地安有令洋人附股建造鐵路之理若其所稱鐵路一修則民生凋敝等語不獨於事理未明卽與該武舉原呈內十四利之言亦自相矛盾惟如此巨工必賴地方紳商眾擎易舉該武舉既稱由東便門至天津西沽建造鐵路籌措鉅億萬金其所知各家可以立辦是否確有把握實未敢知臣鴻章擬札調武舉李福明來津親加詢問開平運煤鐵路現修至閻莊爲止距大沽北岸尙隔百數十里而集股已屬爲難經費已虞竭蹶該武舉如果爲人公正素爲鄉黨信服不難籌集多股卽令先由閻莊接修鐵路至大沽北岸於兵商各船取煤既便卽

海軍圖稿一

三

遇有緩急調兵援應更覺靈捷於海防大有裨助儻有餘力再議推廣之策若該武舉不能集股徒託空言自應作爲罷論以後如有殷實紳商請建鐵路臣等察其實係於公家有益無弊再會同籌議請

旨辦理所有欽遵

懿旨查明具奏緣由伏祈

皇太后聖鑒謹奏

議崎案並驗收新船回華

光緒十二年十月十六日

崎案我占全理兩造律師審判尙各執一詞聞須數月始可議結日廷如仍狡強恐須照西例另請公正人判斷不值因細故興戎也傷亡士卒遵籌優卹前朱一新妄論若非殿下曲意維持豈僅予以降罰從此羈張狂謬之風當少斂戢旗兵水操章程來年計

可就緒郎中春華所稟礦產恐未盡確容隨時察度籌辦航海吟  
草寫刻精緻良堪寶藏謝羅馬遣使一事竟被法廷強阻樊教  
士頃由法回津北堂遷讓間已經法國喇梳禮教會議在該教會  
不敢違背法廷意旨法使又必欲攘爲己功昨屬張道先代陳大  
略俟與法領事樊教士等議定後再將原委函達總署轉陳殿下  
酌辦前曾許兩星使函請派員弁水手出洋接帶新造四快船  
回華藉資練習目下水師人才缺乏頃令丁汝昌同琅威理來津  
再四籌議派定琅威理自願於明春二月間赴英德料理接收換  
旗統帶員弁駕駛肆習回華沿途可免掣肘計四船運送川費  
添雇教練洋弁及一切薪煤各項需二十萬金較專雇洋人運華  
稍省而體制爲宜尙乞預籌濟用儻無存款祇可商由匯豐墊借  
歲息六釐俟籌款發還須多耗萬餘金矣容俟核定咨呈冰案

醇邸來函

海軍函稿二  
光緒十二年十一月十八日到

三

北堂事賴碩畫幹旋迴瀾既倒

慈衷豫悅眾論翕然新地少讓無礙巷口之廟已古且不妨  
車擬不移動但附廟小屋儘可商耳頭批十二萬海署已認  
外此力實不逮已咨達冰案矣聞行旌卽日旋省雪後驟寒  
年高路遠曷勝系念潘道抵津自將一切面陳無容瑣敘惟  
現辦公事外尙有下懷命意所在暨日後規復到何地位曾  
與梅園約略述之未知轉達左右否

南海工作爲奉養

璇宮而設乘北堂明發之便

詔示天下可謂一舉兩得第經費實在棘手各商按八成正  
款一百八十八萬一千六百兩業經放竣合有二成節省銀

四十七萬四百兩之數此係儘取儘放所謂二成節省者係

簿內刻下原為備放續估工作及裝修並修理陳設船隻等

項之用詎一昨通盤核算約需百萬內外而圈非堂不與焉

北海垣塌各處均奏准入緩修庫內現存六分餘平七萬餘兩備放奉宸苑人員監工

差正項祇三萬餘兩耳不催工作則明年夏閒不能依限報

齊催則各商亦紛紛催款既不敢瑣瀆

天聽又無法商諸同事惟與立山蹙額相對是可愁亦可笑

也計工程處入款文銘二萬崇禮十三萬崇厚四萬文錫五

零英綬三萬文麟三萬閩海本年十萬除文銘等

飭交之款與英綬等罰款外皆係王設法籌措乃智力已竭

而功效尙遠將如之何而後可部款既不可動愚見又不願

居借洋款之名即使借洋還亦不易且受調語訾議殊為不

海軍圖稿一

三五

值萬不得已商諸台端可否指稱創建京師水操學堂或貴

處某事借洋七八十萬之譜定議後由王奏准分派閩海及

江海各關按年報效歸款而以閩海常年十萬內徐為發還

此為轉移計非有事輒勒捐也此銀一來全局立定或別有

他法以濟急需之處祈統籌示覆切盼切盼春華曠事已飭

署另備公牘咨覆茲不贅述鐵礦藉議船奏准惟盡慮偏勞

是賴也

議北堂兌款並籌南海工費光緒十二年十一月十八日

北堂移讓一事全賴殿下指示主持俾二十餘年屢議未成之件

倖得就緒頃接德瑾琳函電擬改原合同第二條地基略有增益

總署業經允行頭批銀十二萬自應照付已派員榮恆赴鈞署領

取交匯豐轉兌教士等其二三批須來年夏冬分起付給儻署中

力有未逮祇求檄令做處無論何款暫行挪墊之明文鴻章便當設法挪湊否則戶部又多挑剔耳潘道回津詳陳尊旨將來建堂濬河各事逐漸興作需費不貲諸煩盡畫翹係曷任

南海工作爲

璇宮幾餘頤養之所乘此遷堂

明詔中外俾曉然於尊親大義浮言自必寢息惟經費棘手徒令殿下獨爲其難聞之深代蹙額洋款非不可借前值用兵之際洋商居奇故利息虧耗較重局外訾議遂執爲厲禁似由不通時變各國無事時偶有需用與銀號通挪本係常事既蒙誣諉卽屬周道等與在津各銀行妥商以做處需款爲詞約借銀八十萬不論鎊價照還原平歲息至多六釐共息銀四萬八千兩如能再減更妙俟有成議當先電聞明春開河後必有銀至再咨請鈞署轉奏

海軍函稿一

三

仍作爲工程之用令由閩海關常年十萬分年提撥歸本勿庸指作別用其息銀另飭江海津海浙海江漢四關道按年攤派報效似尙輕而易舉屆時容詳細核明請示藉釋廬懷昨有屯居旗人許有泰受公府包衣勒索之累情願捐銀二萬已咨請核辦以廣招徠如蒙准收聞似此之類尙多於創建水操學堂工需亦有裨助鴻章數年未得回省頃河冰堅凍擬十九日起程過蒙垂念感戢奚似

醇邸來函

光緒十二年十二月初八日到

籌款手覆深慰下懷已於二十五日敬達

簾前一俟續接的信卽由海署具奏惟既不居借洋款修

時當措何詞此事已向慶邸屢述署中亦知之矣劫侯吳撫

邵臬次第晤談胥禱時局最要者洋藥加稅一妥從此南北

洋東省練軍皆足供給否則後年必不支也。勅談條目更多，第舉措之難，惟公深悉。茲以意見所及，分列如左，用備商榷。幸平章示復為盼。

一鐵路 勅雖力言有益，尙未嘗著。眾咻之苦，聞開平新路可接至閩莊，其由閩至沽一段，可否由海署奏明，由貴處籌築為調兵運軍火之用，名曰試辦。俟將來王赴彼親閱一番，即可定局，徐為擴充。

一威海大連灣 昨吳稱所部無所事事，若撥往威海布防，於事為益。云云，因思威大兩處前於議復朱疏時，皆論及之。應如何布置之處，所酌示。

一鐵礦 日前海署乘議，閩船將鐵礦奏及實裨造械等事，貴處現在作何勘采及將來作何局面，亟望復信也。

海軍函稿一

五五

一移建北堂 此事暢快之至。第按合同係自明年正月，起二年為期，移入新堂而。

南海工作明年夏間即可報竣。若能令彼先建仁慈堂俾資棲止，其禮拜誦經等事，或暫改南堂，或由總署覓一寬大處所借給應用。如彼以為難，則已設可允從計。遷移必速，海工一竣即可接做圈堂入內之工。

安輿臨幸定增豫悅也。

一教皇遣使 法恐失權，堅阻此舉。實為可惜。此時似宜靜俟機會，勿須緣木求魚。日前亦稍作經畫，殊覺棘手。盡懷諒同情也。

以上各條粗陳其概，未盡事宜容俟續寄。許有泰事已行查，內務府俟復到咨達冰案。

籌借洋款並議覆四事

光緒十二年十二月初十日

籌借洋款鴻章在津瀕行時屬周道馥等與各銀行密商疊接該道函電英匯豐云暫借八十萬歲息六釐祇要敝處蓋印逾六箇月還息一次帶還本二十萬二年清結此係格外報效若尋常放帳歲息須七釐法銀行允借百萬歲息五釐七五要照鎊價分十年還本又巴黎富商願借四五百萬二三十年還清息可五釐五又德銀行亦欲照六釐息作鎊價因各處皆須開河運銀來津暫令該道逐細磋商擇便酌定匯豐還本太速一時恐難籌措法德皆論鎊價勿任喫虧俟有定議卽奉聞現與洋商祇說敝處需款將來由海署具奏似可作為海軍用項飭由閩海關分年歸本滬津各關道分攤息銀卽照海防新例給獎至收銀後隨時撥濟工需仍由殿下主裁自無不可承詢各節謹據管見條覆如左

海軍函稿一

三

一鐵路 勅剛謂須先做京城至清江鎮江以通南北之氣能見其大此路若成實於國計裨益甚大獲利亦厚但言者必多阻擾

朝廷未能一意主持至由閩莊接修大沽北岸購地築路采料與王約須四十萬兩以外於調兵運軍火雖有小益惟路僻而商貨稀少無利可賺招股不來容與官紳妥籌恐難剋期集事  
一威海大連灣設防 查威海為煙臺襟喉大連灣為金州屏蔽皆可屯操水師應早設防因兵力餉力難遽兼營清卿所部欽奉初四日

寄諭飭酌量裁併以節經費該軍專食部餉如能照常籌濟或酌裁若干餘令調赴威海扼紮卽以所裁各營之餉留為購巨礮築堅臺之用大連灣口面尤闊擇要分築礮臺需費甚鉅津旅防營

無多礙難分撥雷正綰一軍現駐東溝目下朝鮮無事可否奏調  
移紮金州大連灣另籌布置礮臺之款卽朝鮮有警航海亦便大  
凡海灣布防事務繁巨必得十分堅固乃可禦敵備患中外人皆  
謂威海大連灣防務非二三百萬金莫辦止可枝枝節節爲之伏  
候鈞裁酌定

一鐵礦 山西礦產最富但不通水路運機器入山鐵貨出山非  
鐵路不能便捷擬在近水各省尋覓好礦須延礦師勘准方可集  
股開辦現託人在美國選雇上等礦師明春夏可到再逐漸籌議  
具覆

一移北堂及教皇遣使 主教達樊等深信德璀琳昨以鄙意電  
商德稅司據覆電切實去信且俟復信如何德另有教皇遣使條  
陳謹照鈔來函並覆電呈覽巴黎教會祇能核定遷堂與否其遷

海軍函稿一

七

移之遲早仍由教士自主鴻章素不識達樊不得不用稅司牽鼻  
該稅司請如法使所欲酌改越南商約數條查法意求我緩派領  
事准雲南土藥出關彼亦允免收華人身稅此皆易商其他均可  
堅拒議竣但加一照會完案無須在原約內改寫未知總署如何  
與議德謂允改越約教務卽由我與教皇商辦法不至牽掣或非  
無因達樊人頗平正奏派總理教務是否可行併乞酌核

稅司德璀琳來稟

光緒十二年十二月初八日到

前月稅司在京曾將恩道來述醇邸屬籌教使一事隨時稟  
陳爵鑒迨北堂事竣稅司瀕行恩道復來相詢經稅司告以  
此事既經中堂照會法使毋庸再議急切不便在津議辦恩  
云醇邸因此事關繫中國全局志在必行務望貴司設策稅  
司云如需本司經理自有善策但現有大員自外洋歸來深

通洋例何不且以此事試之觀其如何籌畫能否裨益中國儻不合宜則本司辦理必奉有中堂劄委方敢效力昨晤恭使探其口氣如欲教皇派使亦可行然必須仍由法國轉致該使亦復有所求容俟籌謀盡善旋津再議等語答復恩道去後按恭使云云卽銷差日記中問答一節不過撮其大略以相應對耳稅司在途子細思維統籌海外各國今昔情形及中國現在局勢教務之有專使誠爲當務之急有不可一日緩者請爲中堂陳之土耳其大國也昔者雄視海上各與國莫敢與京祇以教務措置失宜因循貽誤以致與國反持其柄國是日非國勢漸蹙延至今日徒慨祭則寡人可勝浩歎此不知教之爲害而遷延坐蔽者若是德國畢相當國三四十年百廢俱興而首重嚴懲教黨立教部定教規教人

海軍圖稿一

三六

雖多於國家庶政從無有干預者甚至意大利占據教都教皇祇守宮掖此知教之爲害而有以禦之者若是此其大略其他利害尙多不能枚舉中國自有明之季天主教闖入以後至

本朝彼教人持其算學醫學效力於

朝我

聖祖仁皇帝天亶聰明鑒其學術甚精用其人俾傳其教並賜地建堂恩加無已自是該教之流傳徧及十八行省矣道光中海禁大開教黨愈盛其中好醜不齊民教日益鑿柄法人行教最早其人甚眾故每有教案法必挺身爭執小則橫索賠償大則兵戈擾攘已事之堪痛恨髮指者不勝指屈今日中外一家各與國環海而立雖俄人思占我邊疆英法已

割我藩屬向患之顯著者猶不足懼惟教黨之攘往熙來華民之從風益靡卽鄉僻之區亦有教類是患入腴理岌岌可危儻不趕緊設法自操其柄不獨法國思竊其權隱圖浸潤卽他國亦必生心潛滋煽惑土耳其之續深可慮也然則非招教使以一事理先除法國保護之心次平教人反側之志俾內釁不生則外侮自減顧或者曰法國虎視狼貪豈來一介教使便能彌首帖耳不復再逞且多一教使教黨益有所恃不更明目張膽無惡不爲使而賢也依違兩可不徇偏私苟其不賢則要求挾詐弊竇百端豈不轉助法人猶虎添翼況中國自有制度豈能事事效法西洋各國之使盈廷已多側目再增教使旅進旅退殊失

國家體制兼之恭使有言如須教使必須助改越南條約豈

非先有所失烏乎可是說也祇知安常守經不知通權達變不足以語經國遠猷也夫法國之思保教界在疑似之間其心非不知兩國交涉於教事判爲兩途蓋因其訂約最先其初中國於教事復漫不加察以致民教有隙法爲出首積重難返勢若固然今者法國已改民主其國中與教會判若水火豈有真心實力顧及數萬里外旅居他國之教人雖仍遇事生風實則已成弩末若有教使專理教事則交涉之與教務善然斷絕縱法人厚顏妄希攙越公論有在諒不能似前之強橫時會適來不足慮者一至謂教黨有恃猶虎添翼更大謬不然王者有分土無分民從來教案之起每咎教民之債事顧教民固有依倚而頑民實多趁強地方官非敷衍卽偏袒從未聞一秉大公不分民教判斷是非者及至焚殺戮

兵豈不大虧

朝廷愛育元元之德今得一教使姑不問其賢否先與明定章程約束教士使秉教者與齊民等儻有憤爭之事地方官苟不秉公准教使赴訴總署此外不准一人參預信以守之誠以御之久道化成不足慮者又一至謂中國制度恐多輕褻則迂腐之見非實心國是者所當言也三代之制度不能行之於漢唐自宋迄明屢更屢易無他因時也回教入華迄今爲如何者且不必遠徵於古就

本朝而論喇嘛控制西北蒙民獲安

朝廷優以崇封歲時頒賞多費金錢無他亦因時也豈添一教使卽有辱

國體況教使自食其祿不求供應祇須設法羈縻便收無形

海軍函稿一

三

之益又不足慮者一至謂恭使要求改約教使未來先有所失此則不知辦事之權衡者矣凡事先有所求而後應許其心已虛其事必窒應其所求而轉又求之其情益鄙而事更難久恭使欲改越約而以教使爲餌是有求後應其心虛矣我若應其求而請教使其情不更鄙乎今固須教使之來乃另自設策轉又急急與計其事越南邊外之地本非中土所守蠻觸相爭時所恆有阮姓固屬藩籬法居其地亦何莫非藩籬耶爲條約之虛文爭而得之不爲武改之亦不足辱姑如其願以予之一面奏請

諭旨派達樊二人暫且總理中國教務除有涉政令不准干預外教中一切是非曲直該二員隨時稽察如有冤枉呈請總理衙門核辦如是則教皇聞之必速於派使法國亦不

能阻撓且該使之來約章可任我裁定操縱可以自如不受  
人之羈勒再於明春請派明幹望重之員已有其人明赴巴  
黎晤往羅馬與教皇設法彼感我必深親我必暱此後凡涉  
教務若能一視同仁隱患固可潛消外侮亦可不作然後講  
修治鞏邊防我中堂非常之勳將與天壤不朽稅司叨蒙知  
遇用竭其愚如荷俯納芻蕘卽乞諭復否則亦乞祕之勿洩  
他人免爲捷足輦效

